



古香齋新刻袖珍淵鑑類函卷四百三十七

鱗介部一 龍

龍一

原說文曰龍鱗蟲之長春分而登天秋分而入川順也

增又曰龍行曰羸龍飛曰龍

原廣雅曰有鱗曰蛟

龍有翼曰應龍有角曰虯龍無角曰螭龍毛詩名物解曰龍五百年

有角千年為應龍

增埤雅廣要曰龍八十一鱗具九九之數

九陽也 又曰龍亦卵生思抱 又曰內典曰龍火得

濕則燄得水則燔以人水逐之即息

原方言曰龍未升天曰

蟠龍 易曰雲行雨施品物流形時乘六龍以御天初



九潛龍勿用象曰陽在下也九二見龍在田利見大人
象曰德施溥也九五飛龍在天象曰大人造也 又曰
龍戰于野其血元黃 **增**又曰震爲龍 春秋元命苞
曰龍之言萌也陰中之陽故曰龍舉而雲興 易通卦
驗曰立夏風至而龍升天 **原**孝經援神契曰德至水
泉則黃龍見者君之象也 孝經左契曰天子孝天龍
負圖地龜出書 河圖曰黃金千歲生黃龍青金千歲
生青龍赤白龍亦然黑金千歲生黑龍 瑞應圖曰黃
龍者四龍之長四方之正色神靈之精也能巨細能幽
明能短能長乍存乍亡王者不漉池而漁德達深淵則

應和氣而游於池沼 又曰黃龍不衆行不羣處必待
風雨而遊乎青氣之中遊乎天外之野出入應命以時
上下有聖則見無聖則處 **增**史記曰明月之珠藏於
蚌中蛟龍伏之 後魏書曰波知國有三池傳云大池
有龍王次者龍婦又次者龍子行人設祭乃得過不祭
多遇風雨 呂覽曰孔子曰龍食乎清而遊乎清 **原**
孫卿子曰積水成川蛟龍生焉 韓非說難曰夫龍之
爲蟲可狎而騎也然喉下有逆鱗徑尺嬰之則殺人
管子曰龍被五色而遊於神欲小則化如蠶蠋大則極
於天下欲上則凌乎氣欲沈則入乎深泉變化無日上

古者考澤鏡卷四 卷四
下無時謂之神 淮南子曰龍舉而景雲屬 又曰夫蛟龍伏潛於川而卵剖於陵其雄鳴上風其雌鳴下風而化者形精之至也不見龍之飛舉而能高者風雨奉之也 **增**地形篇曰羽嘉生飛龍毛犢生應龍介鱗生蛟龍介潭生先龍 張衡應問曰夫蒼龍迎夏則陵雲而奮鱗應時也涉冬則涵泥而潛蟠避害也 班固答賓戲曰應龍潛乎潢池魚鼃媒之而不覩其能奮靈德合風雲超忽而躐昊蒼也故夫泥蟠而天飛者應龍之神也 論衡曰龍少魚衆少者爲神 **原**抱朴子曰有自然之龍有蚺蠲化成之龍 又曰山中辰日稱雨

師者龍也

增淮南子曰燭龍在雁門北藏於委羽之

山 **原**山海經曰鍾山之神名曰燭龍視爲晝瞑爲夜身長三千里 **增**水經注曰魚龍以秋日爲夜按龍秋

分而降則蟄寢於淵秋日爲夜豈謂是乎 水經注曰

交州丹淵有神龍每旱邨人以茵草置淵上流魚則多

死龍怒當時大雨 **原**括地圖曰龍池之山四方高中

央有池方七百里羣龍居之多五色樹羣龍食之去會

稽四萬五千里 又曰崑崙山之弱水非乘龍不得至

博物志曰龍肉以醢漬之則文章生 **增**又曰蚺蛇

其形似龍而小性好險故立於護朽上 又曰龍生三

卯一爲吉弔上岸與鹿交或在水邊遺精與流槎遇粘
裹浮木枝如蒲桃焉號紫梢花道樞所謂龍鹽者也
又曰龍門之下每歲季春有黃鯉二魚自海及諸川爭
來赴之一歲中登龍門者不過七之一初登龍門卽有
風雨隨之火自後燒其尾則爲龍矣 拾遺記曰方丈
之山東有龍場有龍皮骨如山阜布散百頃遇其蛻骨
之時如生龍或云龍常鬪此處膏血如流水 述異記
曰普寧縣有龍葬洲父老云龍蛻骨於此洲其水今猶
多龍骨按山阜岡岫龍興雲雨者皆有龍骨或深或淺
多在土中齒角脊足宛然皆具大者數十丈或盈十丈

小者纔一二尺或三四寸體皆具焉嘗因采取見之
又曰冀州鵠山傳龍千年則於山中蛻骨今有龍岡岡
中出龍腦 洛陽伽藍記曰西方不可依山甚寒冬夏
積雪山中有池毒龍居之昔有商人止宿池側值龍忿
怒咒殺商人槃陀聞之捨位與子向烏場國學婆羅門
呪四年之中盡得其術復王位就池咒龍龍變爲人悔
過向王王乃徙之 又曰西方烏場國西有池龍王居
之池邊有一寺五十餘僧龍王每作神變國王祈請以
金玉珍寶投之池中在後涌出令僧取之此寺衣食待
龍而濟世人名曰龍王寺 **原**齊地記曰昌平城有井

與荆水通有神龍出入焉故曰龍城 辛氏三秦記曰
 河津一名龍門大魚集龍門下數千不得上上者為龍
 不上者魚故云暴顛龍門大鯉魚登龍門化為龍不登者點額暴顛矣 又
 曰龍首山長六十里頭入渭水尾逮樊川頭高二十丈
 尾漸下高五六丈云昔有異龍從山南出飲渭水其行
 道成土山故因以為名 **增**交州記曰交趾封谿縣有
 隄防龍門水深百尋大魚登此門化成龍不得過暴顛
 點額血流此水常如丹池 華陽國志曰蜀五城縣其
 地值天門龍升天不達死墜此地故掘取龍骨 一統
 志曰臨封縣西二十里石龍巖中有石如龍歲旱洗之

即雨 又曰煙塘在永州府城東北十里其深莫測相
 傳昔有民得一白鱗將烹之有老叟曰此湘江之龍恐
 禍及民怒以為虛誕排之翌日一邨俱陷 國史補曰
 舊說春水時至魚發龍門則有化者至今汾晉山穴龍
 蛻骨角甚眾采以為藥有五色者 傳載曰五臺山北
 臺下有青龍池約二畝已來佛經云禁五百毒龍之所
 每至盛午昏霧漸開比邱及淨行居士方可一觀比邱
 尼及女子近即雷電風雨當時大作如近池必為毒氣
 所吸逡巡而沒 **原**外國事曰毗阿羅寺有神龍往來
 倉中奴取米龍輒却後奴若長取米龍不與倉中米若

古今圖書集成 鱗介部 龍

盡奴向龍拜倉即盈溢 **增**元珠集曰江湖見龍卵主大水 南部新書曰龍之性粗猛而畏蠟愛玉及空青而嗜燒燕肉故食燕人不可渡海 北夢瑣言曰乖龍若行雨多鼠匿古木中及檐楹內雷神捕之 戊辰雜鈔曰有大龍蛻於太湖之滄其鱗甲中出蟲頃刻化為蜻蜓朱色人取之者病瘡今人見蜻蜓朱色者謂之龍甲又謂之龍孫不敢傷之 避暑錄話曰吳越之俗以五月二十日為分龍日故五六月之間每雷起雲簇雲中若見尾墮地蜿蜒屈伸謂之龍挂 **原**楚詞曰神龍失水而陸居為螻蟻之所裁 公孫弘答東方朔書曰

譬猶龍之未升與魚鼈為伍及其升天鱗不可覩 **增**柳宗元答問曰蛟龍之騰於天淵也彌六合澤萬物而蝦蛭不離尺水

龍二

增淮南子曰女媧氏殺黑龍以濟冀州 黑龍水精也殺之以止水

原尚書中候曰河龍圖出雒龜書成赤文像字以授軒

轅 龍魚河圖曰天授元始建帝號黃龍負圖從河中

出付黃帝帝令侍臣寫以示天下 史記曰黃帝土德

黃龍見 **增**淮南子曰黃帝治天下而力牧泰山稽輔

之青龍進駕 山海經曰蚩尤作兵犯黃帝黃帝乃令

應龍攻之冀州之野應龍已殺蚩尤又殺夸父乃去南方處之故南方多雨 **原**又曰應龍處南極殺蚩尤與夸父不得復上應龍遂在地故下數旱旱而為應龍狀乃得大雨 氣應所感 **增**魏文帝雜占曰黃帝錄圖五龍舞沙 春秋元命苞曰堯遊河渚赤龍負圖以出圖亦如綈 尚書中候曰堯火德故赤龍應焉 **原**又曰舜沈璧於河榮光休至黃龍負卷舒圖出入壇畔 龍魚河圖曰黃龍從洛水出詣虞舜鱗甲成字令左右寫文竟龍去 瑞應圖曰舜東巡狩黃龍五采負圖置舜前河圖曰舜以人射即位與三公臨觀於河黃龍五采負

圖出置舜前以黃玉為柙玉檢金繩芝為泥章曰天黃帝符璽 **增**賈氏說林曰舜使虞虎養一紫龍虎恒持

燕炙示龍而不即與食龍俯而垂涎虎以器盛之日得一合和繪實磨之色正赤以畫金玉色透一寸繪實仙草也堯時生於朝堂四時有花成實 **原**史記曰夏木德青龍生於郊 呂氏春秋曰禹南省方過江黃龍負舟舟中之人五色無主禹曰吾受命於天竭力養人生性也死命也何憂龍哉龍俯而去 括地圖曰禹誅防風氏夏后德盛二龍降之禹使范氏御之以行經南方防風神見禹怒射之有迅雷二龍升去神懼以刃自貫

其心而死禹哀之療以不死草皆生是為穿曾國 **增**
抱朴子曰禹乘二龍郭支為御 又曰夏時龍生於太
廟之中 山海經曰大樂之野夏后氏於此乘兩龍
增又淮南子曰伯益作井而龍登元雲神棲崑崙 宋
志曰成王觀河洛沈璧青龍臨壇銜六甲之圖 **原呂**
氏春秋曰晉文公反國介之推不肯受賞自為賦詩曰
有龍于飛周徧天下五蛇從之為之承輔龍反其鄉既
得其所四蛇從之得其雨露一蛇羞之槁死中野 左
傳曰秋龍見于絳郊魏獻子問于蔡墨曰吾聞蟲莫智
于龍以其不生得也對曰人實不智非龍實智古者畜

龍故國有參龍氏有御龍氏昔有颶叔安

颶古國名叔安其君名

有裔子曰董父實甚好龍能求其嗜欲以飲食之龍多

歸之乃擾畜龍以服事帝舜帝舜賜姓曰董氏曰參龍

及有夏孔甲擾于有帝帝賜之乘龍河漢各二有雌雄

陶唐氏既衰其後有劉累者學擾龍于參龍氏以事孔

甲能飲食龍夏后氏嘉之賜氏曰御龍龍一雌死潛醢

以食夏后氏饗之龍水物也今水官棄矣故龍不生得

又曰鄭大水龍鬪于時門之外洧淵國人請祭焉子

產弗許曰我鬪龍不覲也龍鬪我何覲焉攘之則彼其

室也我無求于龍龍亦無求于我乃止 **增**拾遺記曰

周靈王二十一年孔子生于魯哀公之世夜有二蒼龍自天而下東附微在之旁因夢而生孔子原莊子曰孔子見老聃歸三日不談弟子問曰夫子見老聃何規哉子曰人用意如飛鴻者爲弓弩射之如遊鹿者走狗而逐之若遊魚者釣繳以投之吾今見龍合而成體散而成章余口張不能喻舌出不能言又曰子張見魯哀公不禮焉去之曰君之好士也有似葉公子高之好龍雕龍畫之於是天龍聞而示之窺頭于牖拖尾于堂葉公見之失其魂魄五色無主是葉公非好龍也好夫似龍非龍也今君非好士也好夫似士者說苑曰吳

王欲從民飲酒子胥諫曰不可昔者白龍下清泠之淵化爲魚漁者豫且射中其目白龍上訴天帝天帝曰當是之時若安置而形對曰吾化爲魚天帝曰魚固人之所射也豫且何罪今君棄萬乘之位而從布衣之士飲酒臣恐有豫且之患王乃止又莊子曰河上有家貧恃緯蕭而食者子投淵得千金之珠謂其子取石來鍛之夫千金之珠必在九重之淵驪龍領下若能得珠者遭其睡也使驪龍而寤子尚奚微之有哉又曰朱仝漫學屠龍於支離益殫千金技成而無所用其巧增南越志曰昔有溫氏媪者端溪人也居常澗中捕魚以

資日給忽於水側遇一卵大如斗乃將歸置器中經十日許有一物如守宮長尺餘穿卵而出因任其去留稍長二尺便能入水捕魚日得十餘頭稍長五尺許得魚漸多常遊波水縈洄媪側媪後治魚誤斷其尾遂逡巡而去數年乃還媪見其輝色炳耀謂曰龍子今復來也因盤旋遊戲親馴如初秦始皇聞之曰此龍子也朕德之所致乃使以元珪之禮聘媪媪戀土不以為樂至始興江去端溪千餘里龍輒引船還不踰夕至本所如此數四使者懼而卒止不能召媪媪殞瘞於江陰龍子常為大波至莫側縈浪轉沙以成墳人謂之掘尾龍今人

謂船為龍掘尾卽此也

原詩含神霧曰含始吞赤珠

刻曰王英生漢皇后赤龍感女媧劉季興也 史記曰

高祖常從王媪武負貫酒醉臥武負王媪見其上常有

龍 古今注曰高祖五年黃龍見華陽池十餘日九年

又見長安 漢書曰文帝十五年春黃龍見成紀上乃

詔議郊祀 **增**西京雜記曰瓠子河浚有蛟龍從九子

自浚中逆上入河噴沫流波數十里 述異記曰當陽

南有龍川云漢武時八龍常見於此 **原**古今注曰五

鳳四年黃龍出廣漢甘露元年黃龍見新豐二年龍見

上郡騰躍五色升天丞相以下上壽 漢書曰宣帝甘

露元年黃龍見新豐因改元應之 **增**谷永傳曰漢成

帝時有黑龍見東萊 玉海曰漢成帝建初五年有八

黃龍見於泉陵 **原**東觀漢記曰黃龍見於河馮異勸

上卽位上曰我昨夜夢見赤龍上天覺寤心中動悸異

等賀曰此天命發於神明 **增**又曰公孫述有龍出其

府殿中夜有光耀述以爲符瑞因稱尊號改元曰龍興

原古今注曰章帝建初三年黃龍見汝南項氏田廬

中長五丈餘高二丈光耀廬舍及樹皆黃 **增**水經注

曰建武中曹鳳字仲理爲北地太守政化尤異黃龍應

於九里谷高岡亭角長三丈大十圍稍至十餘丈天子

嘉之賜帛加秩 述異記曰漢元和元年大雨有一龍

墮於宮中帝命烹之賜羣臣龍羹各一杯故李尤七命

曰味兼龍羹 **原**東觀漢記章帝元和二年黃龍四見

古今注和帝永元十年黃龍見潁川定陵民家井中

色黃目如鏡又見巴郡宕渠草木色皆黃 東觀漢記

曰安帝延光三年黃龍見歷城又見諸縣 **增**後漢書

曰哀牢夸其先有婦人捕魚水中觸沈木有孕生男子

十人沈木化爲龍出水上九男驚走一兒不去背龍因

舐之後諸兒推爲哀牢主 **原**抱朴子曰案使者甘宗

所奏西域事云外國方士能神咒者臨川禹步吹氣龍

卽浮出初出乃長十餘丈方士吹之一吹則龍輒一縮至長數寸乃取著壺中以少水養之外國常患旱災於是方士聞有旱處便齎龍往賣之一龍直金數十斤舉國會斂以顧之直畢乃發壺出龍著淵中因復禹步吹之長數十丈須臾而雨四集矣 **增**一統志曰大小龍溪俱在洋縣東北三十里相傳漢時張魯女因臥水旁石上而霧蒙身遂孕後生三龍卽此溪也 **原**魏略曰文帝欲受禪郡國奏黃龍十三見明帝鑄銅黃龍高四尺置殿前 魏志曰漢嘉平五年黃龍見譙光祿大夫喬元太史令單颺曰其國當有王者興不及五十年當

復見內黃殷登默記之四十五年登尚在黃龍此時見譙登曰單颺之言其驗茲乎 又曰青龍元年春正月甲申青龍見摩陂井中二月丁酉幸摩陂觀龍於是改摩陂爲龍陂 漢晉春秋曰青龍三年七月曹叡崇華殿災時郡國有龍九見故改曰九龍殿 吳志曰黃龍元年樊口武昌並言黃龍見孫權卽位改年爲黃龍孫休夢乘龍上天顧不見尾果立爲帝而無後 又曰孫權潘夫人父爲吏坐法死夫人輸織室權見而異之召充後宮得幸有娠夢有以龍頭授已以蔽膝受之遂生孫亮 **增**宋黃休復名畫錄曰吳赤烏元年冬十月武

帝遊青溪見一赤龍自天而下凌波而行遂命曹弗與圖之至宋文帝時累月亢旱祈禱無應乃取弗與畫龍置水上應時畜水成霧累日滂沱 晉書曰劉毅爲尚書左僕射時龍見武庫井中帝親觀之有喜色百官將賀毅獨曰易稱潛龍勿用陽在下也證據舊典無賀龍之禮 又曰呂光伐龜茲軍其城南營外夜有一物大如斷堤搖動有頭角目光若電及明而雲霧四周遂不復見乃視其處南北五里東西三千餘步鱗爪隱地之所昭然猶在光歎曰黑龍也俄而雲起西北暴雨滅其跡杜進言於光曰龍者獸之君大人利見之象願勉之

以成大慶光有喜色 又曰馮跋茅素弗與從兄萬泥及諸少年游於水濱有一金龍浮水而下素弗謂萬泥曰頗有見否萬泥等皆曰無所見也乃取龍而示之咸以爲非常之瑞 **原**晉中興書曰孝武太后李氏以微賤入爲會稽王宮人夢兩龍抗膝入懷太宗異而召之生烈宗 **增**水經注曰佛圖澄別傳曰石虎時自正月不雨至六月澄詣滏口祠稽首曝露即日二白龍降於池下於是雨千里 又曰石勒時天旱沙門佛圖澄於石井岡掘得死龍長尺餘漬之以水良久乃蘇咒而祭之龍騰空而上天即雨降因名龍岡 西河記曰張駿

立謙光殿成後池水中有五龍晝日見移時乃滅水通
變紅色駿即為銅龍以厭之 山川紀異曰湯陰西有
真人社舊傳孫登寓此值旱眾禱於龍得雨將祭謝之
登曰此病龍安能蘇禾稼弗信請與之水果腥穢龍時
背生疽聞登言化老翁求治曰病痊當有報不數日果
大雨石上忽裂一井其水湛然蓋龍穿此以報也 又
曰平陽府平山麓有金龍池晉永嘉中有韓媪者出野
見巨卵持歸育之得一兒名櫛兒生四歲劉淵築城不
就募能城者櫛兒應募因變為蛇令媪遺灰識其後後
憑灰築城立就淵怪之遂潛入山穴露尾數寸使者斬

之忽涌泉出穴化為池 沈約宋書曰太史奏西方有
天子氣時太祖為宜都王鎮荊州後篡大位在道有黑
龍躍出負上所乘舟左右皆失色上謂王曇首曰此乃
夏禹所以受天命我何德以堪之 又曰徐羨之嘗從
兄履之為臨海樂安縣嘗行經山中見黑龍長丈餘頭
有角前兩足皆具無後足曳尾而行後文帝立羨之竟
以凶終 齊書曰建武中荊州大風雨龍入栢齋中挂
壁上有爪足處刺史蕭遙欣畏恐不敢居也 南史曰
永明五年獻龍角一枚長九尺三寸色紅有文 梁書
曰武帝郗后素妬忌及終化為龍入於後宮井通夢於

帝或見形光彩照灼帝體將不安龍輒激水騰涌於是井上爲殿衣服委積 南史曰梁江陵城壕中有龍騰出燠爛五色竦躍入雲六七小龍相隨飛去羣魚騰躍墜死於道龍出處爲窟若數百斛圖 又曰初承聖二年三月有兩龍自城西江中騰躍升天五色分明迺映江水百姓咸仰面目之父老或聚而悲竊相謂曰地龍已去國其亡乎 法苑曰梁釋法聰與晉安王臨白馬泉內有白龜就聰手中取食謂王曰此是雄龍又臨靈泉有五色鯽魚亦就手食謂王曰此是雌龍王與羣臣重賞而回 又曰隋師濟江廖世龍領火舫詐降欲燒

隋艦更洩死一戰於是有五黃龍備色象各長十餘丈驤首連接順流而東風浪大起雲霧晦冥陳人震駭不覺火自焚 後周書曰大象中滎州有黑龍見與赤龍鬪於汴水之側黑龍死 寰宇記曰齊天統三年行臺右丞盧潛屯兵於碗於時龍鳴城內潛以不祥移軍在外乃號龍鳴城 郡志曰成都濯龍池隋蜀王秀取土築廣子城因爲池有胡僧見之曰摩訶宮毗羅蓋胡僧謂摩訶爲大宮毗羅爲龍謂此池廣大有龍也 趙耕龍公碑曰張路斯穎上人隋初明經登第景龍中爲宣城令夫人關州石氏生九子自宣城罷歸嘗釣於焦氏

臺之陰一日顧見釣處有宮室樓殿遂入居之自是夜
出且歸歸輒體寒而濕夫人驚問之公曰我龍也夢入
鄭祥遠者亦龍也騎白牛據吾池自謂鄭公池吾屢與
戰未勝明日取洩可使九子助我領有絳綃者我也青
綃者鄭也明日九子以弓矢射青綃者中之怒而去公
亦逐之所過爲谿谷達於淮而青綃者投於合淝之西
山以死爲龍穴山九子皆化爲龍公之兄爲馬步候者
子孫散居潁山其墓皆存焉 朝鮮志曰朝鮮扶餘縣
扶蘇山下有怪石跨於江渚石上有龍攫之跡諺傳唐
高時蘇定方伐百濟臨江欲渡忽風雨大作以白馬爲

餌釣得一龍須臾開霽故江曰白馬巖曰釣龍臺 唐
書曰貞觀中汾州言青龍白龍見白龍吐物在空中有
光如火至地陷入二尺掘之則烏金也形圓斜廣尺餘
高六七寸 法苑曰貞觀十八年汶水縣天雷震雲中
落一石下大如碓紫脊高腹平縣丞張孝靜奏聞時有
西域僧磨伽陀菩提寺中長年師到西京頗推博識敕
問之云是龍食二龍相爭故落下耳 西陽雜俎曰孫
思邈隱居終南山時大旱西域僧請於昆明池結壇祈
雨七日縮水數尺池龍化爲老人至思邈石室請救孫
謂曰我知昆明池有仙方三十首能與予予將救汝老

人曰此方上帝不許妄傳今急矣固無所吝有頃捧方
至思邈曰爾當無慮自是池水忽漲溢岸數日胡僧羞
恚而死 續仙傳曰孫思邈嘗救一青蛇龍子也後爲
龍王召至水府得龍宮藥方三千道作千金方三十卷
俱非人世所有 玉海曰景龍二年六月黃龍再見於
牛山九月見於上黨伏牛山之南岡 唐書曰先天中
明皇以旱親往龍首池祈禱有赤蛇自池中而出應時
澍雨 宣室志曰北庭西北沙州有黑河中巨龍爲患
民甚苦之凡吏茲土者皆先備牲醴往祀河澍然後敢
視事開元中南陽張嵩爲都護卽命致祭密令左右挈

弓矢侍其側俄有巨龍長百尺自波中躍出委首於席
伸其舌且長數尺將食未及爲矢所斃於時中右脅遽
伏於地聲若山摧龍旣死觀者如市嵩命封其腹具表
以獻上壯之詔斷其舌函以賜嵩且降優詔勞之因賜
號爲龍舌張氏 柳宗元集曰明皇西幸馬至咸陽入
渭水化爲龍 龍城錄曰開元間景州水中見一龍三
頭 江行雜錄曰肅宗在春宮嘗與諸王從明皇詣太
清宮有龍見於殿之東梁明皇目之顧問諸王有所見
乎皆曰無之問太子太子俛而未對上問頭在何處曰
在東上撫之曰真我兒也 開元遺事曰帝在東都夢

一女子高髻廣裳拜而言曰妾凌波池中龍也久護宮苑陛下知音乞賜一曲帝覺爲作凌波曲奏於池上神出波間 靈怪錄曰房瑄嘗修學終南山谷中忽聞聲若物戛銅器之屬問父老云此龍吟也不久雨至矣瑄望之冉冉雲氣游漫果驟雨作自爾再聞徵驗不差後將赤金鉢戛之爲僞龍吟 唐書曰建中四年九月戊寅有龍見於汝州城壕 又曰李嗣業爲疏勒鎮使城一隅地屢築輒壞嗣業祝之有白龍見因祠以祭城遂不壞 埤雅廣要曰順宗時拘弘國貢履水珠色類鐵持入海江可行於洪濤中後化爲龍 雜俎曰有史秀

才者元和中與道流遊華山時方暑憩一小溪忽有一葉大如掌紅潤可愛隨流而下史獨接得置懷中坐食頃覺懷中漸重潛出視之其葉上粟粟而動史驚懼棄林中遽白衆人曰此必龍也可速去須臾林中白煙生彌布一谷史下山未半風雷大至 唐薛用弱集異記曰元和中故都尉韋宥出牧温州道經江渚見有新絲箏絃周纏蘆心宥卽拔蘆伸絃其長倍尋則試縱之應手復結宥奇之付箏妓施於器以聽其音妓將安之更無少異惟短二三寸耳方饌妓置之赴食及食罷就視則已蜿蜒舒展選蠕搖動妓乃驚告衆來競觀而雙眸

瞭然矣宥馱曰得非龍乎遽命衣冠焚香致敬盛諸盂
水之內而投於江纔及中流風浪皆作蒸雲走電咫尺
昏晦俄有白龍長百尺擎攫升天衆咸觀之良久乃滅
唐書曰文宗太和二年五龍會於密州禪產山之北
次第而至五方之色具焉自申及戌而沒 戎幕間談
曰茅山龍池中其龍如蜥蜴而五色自昔嚴奉貞觀中
敕取龍子以觀御製歌送歸黃冠之徒競詫其神李德
裕恐其惑世嘗捕而脯之龍亦竟不能神也 劇談錄
曰李德裕嘗夏日宴朝士咸有鬱蒸之苦既延入小閣
以金盆貯水浸白龍皮置於座中暑氣都盡清飈凜冽

如涉高秋皮乃新羅國所獻得之大海中 玉泉子曰
牛僧孺鎮襄州日以久旱祈禱無應有處士自云參龍
者公請致雨處士曰江湖間無龍獨一湫泊中有之黑
龍也強驅逐之慮爲災難制公固命之果有大雨漢水
泛漲漂溺萬戶處士懼罪潛去 孔帖曰太和三年成
都門外有龍與牛鬪 唐年補錄曰咸通末舒州刺史
孔威進龍骨一具因有表錄其事狀云州之桐城縣善
政鄉百姓胡舉家有青龍鬪死於庭中時四月尚有繭
箔在庭忽雲雷暴起聞雲中擊觸聲血如醜雨灑繭箔
上血不汗箔旋漸結聚可拾置掌上須臾令人冷痛入

骨初龍拖尾及地繞一泔桶卽騰身入雲及雨悉是泔也龍旣死剖之喉中有大瘡凡長十餘丈身尾相半尾本褊薄鱗鬣皆魚惟有鬚長二丈其足有赤膜翳之雙角各長二丈其腹自相齟齬時遣大雲舍使督而送州以肉重不能全舉乃剽之爲數十段載之赴官 中朝故事曰長安有參龍戶觀水卽知龍色目有無悉知之懿皇朝龍戶上言龍池中走失兩條往關東尋訪數十日東都魏王池中見之取而歸闕經華州時李訥爲刺史爲人正直聞得龍來大以爲虛妄命就公府視之則於一小餅子中倒於盆內乃二細魚也訥怒曰何以爲

驗其人對曰驗非難也請鑿穴尺許注水其間投魚水內相趁旋轉尾觸穴四隅隨觸而陷水亦暴漲遂巡穴已闊數尺其人云恐穴更廣卽難制也遂搗入餅中訥方奇之攜歸輦下 天中記曰唐乾符中有僧日以課誦爲事因下峽泊舟白帝城夜深持念之際忽覺有腥氣見水面有一人漸近船來僧問之曰某非人也許姓名道坤唐初爲夔牧以貪殘暴虐受業報爲豔瀕堆龍王三千年於今二百四十年矣適聞師持課故來遜謝耳僧曰峽路險惡多覆溺之患盍敕諸龍而禁戢之可乎曰此類實繁皆業報所作非常力能制也僧將復

問忽失 北夢瑣言曰大江之南蘆荻之間往往燒起
睡龍朱梁末辰州民向氏因燒起一龍四面風雷急雨
不能撲滅尋爲煨燼而角不化瑩白如玉向氏寶而藏
之湖南行軍高郁酬其價而強取於時術士曰高司馬
其禍乎安得不祥之物以速之俄而被誅 又曰同光
中滄州民子路逢白蛇以繩繫之擺其頭落須臾雷電
撮此子上空中爲雷火燒死墜地而背有朱書曰此人
殺安天龍爲天符所誅 周史曰徐州豐縣民單與井
中龍出民有子母三人同覩卽時皆卒旣出澍雨漂沫
城內居民濟之以楫登城以避水 吳越備史曰臨安

大旱宰君命道士東方氏起龍祈雨對曰茅山前池中
有之然不可起起必大異遂止明年宰君復召至將臨
池遽指王所居曰此龍生彼家矣時王已誕數日 又
曰吳王巡行次餘姚文亭鎮舟湊巨石不能進旣而大
雨震電有二龍負舟俄而二龍自舟首升焉 南唐史
曰有持龍水圖求貨或得之將練以爲服忽釜中霧蒸
起見二龍騰躍而去 野人間話曰僞蜀大軍未至前
自春及夏無雨螟蝗大作一日漢川什邡縣石井中夜
有十丈火龍騰躍而出浩浩升天而去乃至鱗甲首足
明耀粲然大風吼天草木俱拔餘燼墮地延燒數百家

一統志曰宋建隆中池州府有狗登木化爲龍風雨
勃興穿山而行因名山洞曰五穿 宋史曰茅山有池
產龍如蜥蜴而五色祥符中嘗取二龍入都半途失其
一中使云飛空而逝民俗虔奉不懈程顥捕而脯之
夢溪筆談曰天聖中近輔獻龍卵云得自大河中詔遣
中人送潤州金山寺是歲大水金山廬舍爲水所漂者
數十間人皆以爲龍卵所致 志林曰皇祐三年五月
龍鬪於邕州城南江中馳逐往來久之水暴漲未幾儂
智高陷二廣 又曰扶風有大白山至靈禱無不應天
寶中封爲靈應公後奏改爲濟民侯自此禱遂不驗因

復改原號修其廟祀之日有白鼠長尺許餘歷酒榖上
齶而不食父老云龍也是嘉祐七年 緯略曰鄭內翰
獬未貴時病疫困甚夢至一處若宮闕有吏迎謁甚恭
公曰吾病煩熱思涼浴以清肌膚吏曰辦之久矣遂導
至一室中有小方池漿以明玉水光灩灩以手測之清
冷可愛公坐其上引水沃身俄頃兩臂皆生白鱗顧水
中影則頭已角出公驚遽去吏云玉龍池惜乎公不入
其水入當大貴但霑灑而已幸而公是白龍翁雖貴不
至一品乃覺大汗而愈公後登第爲天下第一乃戲爲
詩云文闈數載奪先鋒變化須時自古同霹靂一聲從

地起到頭元是白龍翁 鐵圍山叢談曰江湖間小龍
號靈異崇寧中淮水暴漲而汴口檣舟不能進一日昧
爽小龍出運綱之舟尾舵工之婦不識也謂蜥蜴撥置
之又緣柁而上婦怒舉火柴擊其首隨擊霹靂大震汴
口官私船七百隻自相撞擊俱碎死者數百十人朝廷
聞之不樂第命官賑卹焉會發運使上計而小龍又出
大漕甚窘懼乃焚香祝之願與王偕上計入覲天子龍
卽作喜狀舉身入香奩中不動大漕遂攜至都奏聞遣
使索入內爲具酒核以祝之龍輒躍出奩中兩爪據金
杯飲幾醕於是天子異之取大琉璃合貯龍親加封識

降付都城汴水之小龍祠中一夕封識如故視缶中龍
已變化去矣上喜加封四字仍大敞其祠宇 埤雅廣
要曰宣和元年五月有龍見於京師茶肆傭晨興見大
犬蹲榻旁近視之則龍也軍器作坊兵士取而食之逾
五日大雨如注歷七日而止京城外水高十餘丈 老
學菴筆記曰張震字真甫爲成都帥未至旬日前大風
雷龍起劔南西川門揭牌擲數十步外壞南字爪跡宛
然 夸堅志曰德興嶮岨山亘百餘里有三潭龍螭所
藏其在桃源塢者時現光怪頃歲一邨嫗過之見異物
如牛臥潭側鱗甲熠熠每片如斗大其長天矯數尺許

嫗狼狽奔歸尚能爲家人道所見卽死淳熙中縣境苦旱民吳彥柔者與妻素奉佛教親詣潭所焚香啓告曰天久不雨田禾將槁願一施靈賜於是旋繞回傍虔誦經呪少焉一小青蛇出水面俄化爲巨鯉久之又化爲鮎而首則蛇也悠洋自如吳祝曰若神龍能下雨救禾稼當以家財建立祠廟於此使民俗永遠香火供事則又露雙角屹然吳遽趨下未幾大雨傾注彌日方已闔境賴以有秋吳不甚富才有田千畝乃以三分之二與兩子而賣其一爲工匠土木費廟成夫婦棄家徙居於門躬執灑掃之役龍之靈日以詭異人或汲潭水置盆

中小魚充溢不可計及還之於水蓋無一鱗投紙錢者或沈或浮俚俗言沈者神所受者也脫不當神意雖縋之以石亦裂碎浮出 遼史曰太祖神冊五年射龍於拽刺山陽水上其龍一角尾長足短身長五尺舌二尺有半敕藏內府 金五行志曰天眷元年夏有龍見於熙州野水凡三日初於水面見一蒼龍良久而沒次日見金龍一爪承三嬰兒兒爲龍所戲略無懼色 夸堅志曰宋洪邁言皇統中河中府大旱太守李金吾祈禱未效聞西巖寺僧慈惠戒律精高爲緇徒所仰乃往請之僧曰身老無以動天地但每日說法之時必有一老

叟來聽講莫知所從來疑爲龍也當試叩之須金吾明
日至此潔誠以待李從之如期叟至李卽焚香設席命
左右掖之再拜致詞叟驚止之曰使君屈膝於山翁敢
問何以李白亢陽爲災五穀不入萬民將無以生願龍
君仁慈亟下甘澤當肇建祠宇歲時奉祀以彰大神之
威靈唯神念之叟無言少頃蠶蹙而歎曰噫泄吾天機
者師也吾死無日矣遂告李白使君勿憂誓以死報又
顧僧曰吾今以師故獲罪上帝立降誅罰吾卽死尸墜
於地然不出此境中乞爲作證明使闔郡民爲行壇七
晝夜庶幾藉此功德可獲超升僧許之而去於是一雨

三日外邑虞鄉有死龍墮山下李盡率士庶召浮屠千
人詣其處築壇場延慈惠演供事畢龍見於空作人言
謝曰吾雖蒙天誅而賴法力救助乘無上妙因得爲菩
薩龍矣李爲建廟請額於朝且名其地爲豢龍谷 剪
勝野聞曰太祖在滁嘗濯手於栢子潭有五蛇擾而就
之因祝之曰如天命在予汝其永附焉一日戰畢羣坐
藉土蛇忽蜿蜒其側帝乃掩以兜鍪頃復報戰亟戴兜
鍪而往是日手刃甚衆軍法戰勝必祭甲冑衆推帝功
居多乃置兜鍪於前甫奠忽霹靂大震白龍天矯自兜
鍪中出挾雷聲握火光騰空而去諸將自是畏服

古香齋新刻袖珍淵鑑類函卷四百三十七

古香齋新刻袖珍淵鑑類函卷四百三十八

鱗介部二蛟 螭 蜃

龍三

原躍淵 階木 周易九四或躍在淵无咎 獻帝春秋

階尺木且今署慈為門 太史慈乃出教曰龍欲騰翥先

下督須軍還當更議 銜燭 捧鑪 楚詞燭龍何照

照之北有山而不合因名之曰不周山故有神龍銜燭而

而出錫若耶之溪澗而出銅雷公擊 騰雲 乘水 楚

析蛟龍捧鑪天帝裝炭太乙下觀 騰雲 乘水 國

先賢傳宋玉對楚王曰神龍朝發崑崙之墟暮宿于孟 諸超騰雲漢之表婉轉四瀆之裏夫尺澤之鱗豈能量 江海之大哉 管子曰蛟龍水中之 神者也乘水則神立失水則神廢 五彩 九色 見 龍二河圖漢武內傳王母乘 翠鱗 赤帶 揚子雲 紫雲之輦又駕九色之斑龍

古香齋新刻袖珍淵鑑類函

鱗介部 龍

一

作龍者施木為骨緹繒為皮丹黃為文翠羽為鱗水以游之風以嬉之沈懷遠南越志蟠龍身長四丈青黑色赤帶如錦文常隨渭水而紀官賜氏皇南謚帝下入於海有毒傷人即死吳庖義氏風姓有景龍之瑞故投杖掛梭葛洪神以龍紀官下見龍二左傳而遣之長房憂不能到家長房與壺公俱去後壺公謝已到家以所騎竹杖投葛公與所用杖騎之忽然如睡已到家以所騎竹杖投葛公中顧視之乃青龍也劉敬叔異苑陶侃常捕魚雷澤得一織梭還掛壁上頃雷雨梭變成赤龍從空而去

三友 兩婿 魏志華歆為龍頭原為龍腹寧為龍尾又曰黃尚為司徒與李元禮俱娶太尉桓焉女時人謂叔元兩女俱乘龍言得婿如龍

雲從 宿屬 上方七宿為蒼龍星經東存身 矯首 蟄以存身也

莫智 無求 俱見龍 迎安公 騎黃帝 列仙安公六安鑄冶師也一旦有朱雀止冶上云七月七日迎汝以赤龍至期赤龍至安公騎之而去 黃帝鑄鼎

荆山下成有龍下迎黃帝上龍羣臣後宮從上天七十餘人小臣悉持龍髯拔墮黃帝弓

生山澤 在宮沼 龍在宮沼則是無故順之至也 畏棟葉 食丑花 齊諧記蛟龍畏棟葉 出潛離隱 合體成 章 上易經 見龍二虬子 見蘭陵井 增戲武功池 漢惠時二人家井中 白帖一龍戲于武 登李膺門 規葉公 功縣池乃唐太宗生誕之瑞 子先茅狗 方朔布裳 列 牖 登李膺門者號為登龍 子先茅狗 方朔布裳 列 傳 子先者東海關中卜師也老壽口餘年臨去呼酒家老嫗曰急裝當與汝俱夜有仙人持二茅狗來呼于先子先持一與嫗各騎之乃龍也 洞真記東方朔生後復去家萬里見一枯樹脫白布裳 馬師治病 夏 挂樹裳化為龍因名其地為布龍澤 馬師治病 夏 后藏 齋 口師皇誠其唇飲以甘草湯而愈後一日負之

而去 史記夏后氏之衰有二龍止於帝庭而言曰余

而藏 張華食鮓 漢帝賜羹 世說陸機嘗餉華鮓華

以苦酒漬之必有異況而五色光起機還問鮓主果云

園中積茅下得白魚質狀殊常以作鮓過美故以相獻

二迷異記 一馬化 八牛易 晉童譚五馬渡江一馬

俱名國有商人驅八牛牧於澤中時有龍直捕得一龍

云將食之商人以八餅金云此是龍金截 乘雲行

入宮中有龍女與八餅金云此是龍金截 乘雲行

已更生足汝父母眷屬終身用之不盡 乘雲行

雨 淮南子龍乘雲而舉 埤雅廣要李靖射蠟山中宿

符命行雨二子皆不在欲奉煩何如命取驄馬并一小

瓶戒曰馬嘍嘶鳴取水一滴馬鬃上此一滴乃地下一

二尺慎無多也既而電掣雲間連 奮翼 躍鱗 鄒陽

龍驤首奮翼則浮雲出流水二丈 變形 易骨 四分

集 新言龍潛之水乘雲躍鱗 變形 易骨 四分

中說諸龍初生時睡時寤時行欲時不能 吐金 畏

變形 餘皆能變形 造化權輿龍易骨 韓雉射 安期

鐵 上見龍二唐書 毛詩各物解云 韓雉射 安期

跨 口子曰韓雉見申羊于魯有龍飲于沂韓雉曰吾聞

遂射之 傳奇安期生常跨 解角 取肝 前燕錄慕

一龍而朝玉京故號玉京子 解角 取肝 容見十二

年夏四月黑龍一白龍一見于龍山親率羣僚觀龍

悅號新宮白和龍宮 朝野僉載蜀縣令劉靜妻患病

正諫大夫明崇儼諭之曰須得生龍肝食之必愈靜以

為不可得儼乃書符乘風放之上天須 采鱗 威骨

典引龍下入甕水中別取肝食之而差 守藏 聽經 幽怪錄

也 毛詩名物解龍有威骨 守藏 聽經 幽怪錄

葉天師講經于明州奉化縣忽一老父自云守藏龍干

歲方免炎沙之罰今為胡僧咒水欲取統天鎮海之寶

天師以符救之波停風息老父泣謝仙師令致清泉遂

成石渠經冬不竭至今謂之天師渠 埤雅廣要有僧

古書 麟介部 龍

講經一叟來聽曰某山下龍也幸歲旱得開來此僧曰能救旱乎口上帝封江湖有水不得用僧曰此硯水可

夕大雨悉黑水子明釣方士吹明列仙傳陵陽子白龍子明解鈎放之後得白魚腹中有書教子明服食

遂採五石脂服之三年白龍來迎止陵陽山上百餘年

二抱朴子目見織芥頭有尺木之陰陽變化論驪龍

一物如博山形名尺木骨在棟上蛻於樹間感應

蒲州人家拆草屋于棟上得龍骨長一尺許宛然皆具

才大如新蟬之殼頭角尾皆具中空而堅膏為燈

扣之聞聲如玉光瑩奪目遇暗則光燭於室

浮凝水面人操獨木舟採之焚之烟縷不散割耳

龍涎香品中最貴出大食國西海中龍盤吐涎

淵李詩注唐明皇常龍潛於興聖宮及即位興聖池嘗

刻飛去衆人以爲虛誕固請點之頃御素雲蟠玉

龍自池中御素雲望西南去及上至嘉陵江乘舟將渡

命以酒沃酌上親自視之龍乃自水中振春陵五老

鬣而去纂要玉淵者驪龍之所蟠也

嵩山三叟來迓白雲春陵人城與之縑帛問其所居

日城西北五里至則訪焉惟有五龍井并縑帛尚存因

爲立廟夷堅志小說載釋元照講經於嵩山有三叟

儻不奉命擅行詬責非細唯孫處士能解弟子之禍照

爲謁孫所思居後沼遭使者捕執孫使解而釋之

甲入衣袖初宣室志宣律師擊指甲一黑龍自甲中出

僧聞禪師住郤武山中一日有老翁來謁曰我龍也以

疲惰行雨天罰當死賴道力可脫俄有小蛇長尺許延

壽齊諧記

麟介部龍

緣入袖中夜風號震擊山岳為搖而
僧危坐不傾達旦晴霽蛇墮地去
華陽劇耳鮫

室織髯龍城錄茅山吳綽採藥華陽洞見小兒手握大
龍形以珠填耳中綽以藥斧劇之落左耳而珠已失所

在錄李羸遇神女遺以匹素云鮫室所織後遇胡人以樹
三百萬易之云此乃龍領下小髯織緝成三十劫方斷

綜一寄密下隱鏡中夷堅志潼州白龍谷陶人梁氏
乃立十密皆燒瓦器惟一密所成最善餘九數每斷火

取器率麻邪不正及鬻于市則人爭售之凡出盡然莫
知其所以谷中故有祠曰白龍廟蓋因谷得名靈響寂

寂不為鄉社所敬梁夢龍翁化為人來見曰吾有九子
今皆長立未有攸處分寄身于汝家窰下前此陶甃時

往往致力陰助于汝梁曰九窰之建初未嘗得一好器
物常以念何助之云龍曰汝何不悟器劣而獲厚利

豈非吾兒所致耶梁方悚然起拜謝龍曰汝苟能與之
創廟異時又將大獲福矣許之而覺即日呼匠治材立

新祠于舊址其後以亢陽祈禱雨不擇日而降梁之生

理益于昔矣異聞錄天寶中揚州進水心鏡一面清
瑩照日背有盤龍勢如飛動明皇覽而異之進鏡官李

泰曰鑄鏡時有老人自稱姓龍名護引一小童衣黑衣
呼為元冥至鏡所謂鏡匠呂輝曰老人解造真龍鏡為

汝鑄之肩戶三日已失所在爐前獲書一紙歌曰盤龍
盤龍隱於鏡中分野有象變化無窮與雲吐霧行雨生

風上清仙子來獻聖聰呂輝等以五月五日移爐
于楊子江心鑄之背龍頗異後大旱祠之乃雨困

泥沙依積水杜詩泥沙困老龍腹如玳瑁血
為琥珀慶于茅山郭真人池所獲龍體長二寸許腹如

珠瑁西陽雜俎鹽出鱗間珠在領下宋徽宗時
龍血入地為琥珀長尺餘以海鹽飼之鹽出
蕭注破南蠻得龍長尺餘以海鹽飼之鹽出
鱗間收取之入藥良陸佃曰龍珠在領

聽以角雅俗稽言龍身無耳其聽以角視猶
蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

蝦蟇化如蠶蛹禹視龍猶蝦蟇龍乃弭耳掉尾而逃

下見龍

紫馬足

育蚌胎

西陽雜俎有白將軍者嘗於曲江洗馬忽跳

一莊子出驚走前足有物色白如衣帶紫繞數匝遽令解之血

流數升白異之遂封紙帖中藏衣箱內一日送客至漣

水出以示客客曰盍以水試之白以鞭築地成窾置于

其中少頃蠕動泉湧倏忽自盤若一席有黑氣如香煙

徑出簷外眾懼曰必龍也遂急歸未數里風雨忽至大

震數聲老學庵筆記處士李璞居壽春一日登樓見

淮灘雷雨一中龍騰筆而雨霽行灘上得一蚌頗

大偶拾視之其中有龍盤之迹宛然鱗拂紫色如爛

髯拂角釵長三尺或風雨晦臨流沾溼則光彩動

搖奮然如怒置之堂中夜則蚊蚋不流入拂之為聲

犬牛馬無不驚逸若垂之池潭則鱗介之屬悉俯而

引水於空中則成瀑布三五尺未嘗輒斷燒燕肉薰之

則勃勃然若生雲霧又曰大歷中日林國獻龍角釵

類玉而紺色上因賜獨孤妃與上同遊龍池有紫雲

釵而生俄頃滿於舟楫上命置之掌上以水噴之遂化

為二龍騰空東去

銜符掛樹

化僧乞食

極夢二龍銜符自

紅霧中來上大隸姚崇宋璟四字挂之兩大樹上申王
曰兩木相也二人當為輔相兆矣上歎異之
要由灌陽軍溯牛溪而行百里地境幽絕人迹罕到邑
士王趙等世居之一日有僧至乞食訖假寐于磨上
衣覆其處募工匠為巨室遂陷為池嘗以接骨方遺王
氏至今成都禱雨必命王氏至潭
德不妄為 人莫
學御 淮南子人莫學御龍于龍龍之德不妄為者
出

燕巢 投虎骨 虛谷閒抄有一家人于燕巢中忽然五色

巡呼喝於外責其不戢燈燭既入舍不見有火出門望

之則火焰亘天旬日聲傳多聚觀其家人懼偶以柱杖

探燕巢中即有一小赤龍子長尺餘墮下鱗甲炳煥老

人驚戰速以裊褥藉之焚香禱謝未畢而見一家震駭竄伏

丈餘自簷屋而入光如列炬燦人瞻視一家震駭竄伏

稽顙龍徐徐引其子入自寢室穴屋騰天而去亦不損

物其家不三數年墮敗焉嘉話錄南山久旱即以長

繩繫虎頭骨投有龍處入水即掣不定俄頃雲起潭中

麟介部 龍

雨亦隨降龍虎敵也雖枯骨猶能激動如此

龍四

原乾象 易

鱗物 周禮

无首 易見羣龍

有悔 亢龍

負

神龍負圖出河伏義

銜圖 周公沈璧青龍

為畜

禮記龍以為畜

改年 漢有龍瑞改

劍化 雷煥子佩

鳴

延平津劍躍

蛇化 史云蛇化為

乘水 騰雷乘

鳴

水龍鳴水中不見乃截

臥龍 諸葛亮隱居人謂蜀先

得池中子 龍鳴者渾

非池中物

雕龍 言雕鏤

泥蟠

淵躍

得池中子

非池中物

亭人池中得龍子如守宮十餘頭養之長

龍樓

龍舟 舟而容與

非池中物

吳志龍非池中

龍樓

龍舟

非池中物

蛇蛇

騃騃 荀鳴鶴謂陸士龍曰本為

增陽精 管輅別傳龍

行天

乎陰幽靈上通和氣感

潛靈 抱朴子潛靈俟

行天

漢平準書天用莫如龍是也

飛天 揚子問神篇龍必

行天

則飛時潛則潛潛則蟠乎泥

九子 潛確類書龍

行天

肆矣哉哉哉哉哉哉哉哉哉

九子

行天

龍各有所好蒲牢好鳴鐘

九子

行天

碑上獫狁好負重形碑座

九子

行天

門上狡獬好坐形佛座上

九子

行天

龍興雲致雨益人藏者又

九子

行天

守輪王大福人藏者又

九子

行天

龍此四種方類蛇龍

九子

行天

暴起吹其宮殿失其寶飾

九子

行天

龍娛樂時金翅鳥王入宮

九子

行天

古書集解

卷四

麟介部

龍

二

龍又有三苦一雖食百味末後一口化為蝦蟇二夫婦相交即變為二蛇三背道布鱗砂石生中痛乃連心

三停

會編世傳畫龍有三停九似之說謂自首至膊

眼似鬼項似蛇腹似蜃鱗似魚爪似鷹掌似虎耳似牛舌如劍之西有連山謂

之夜來山近西有射龍廟在山之不可制學林乾純

上用龍能隱能顯不可制網罟之水不處龍不處神

也故為在天之能變者網罟之水不處龍不處神

水畧之雄其狀不同雄者角浪凹峭日深鼻豁鬣尖鱗密上壯

下殺朱火褶褶雌者角靡浪平日肆鼻直鬣圓鱗薄尾

壯于腹劉不能平問之其人曰身毛龍拾遺記南溟

乃龍也請公觀之遂化雙龍而去毛龍之國有洞穴

陰源其下通地脉中有毛龍毛魚時毒龍博物志唐

陳仲弓里中有井好溺人一日有敬元穎謁曰此井有

毒龍殺人昨夜已朝六乙淘之則難免矣命匠入井獲

鏡龍女柳教傳殺下第歸至涇陽見一婦牧羊曰妾

姑毀黜至此敢寄尺書于洞庭之陰有大橋樹君擊樹

三當有應者殺如言見千門萬戶曰靈虛殿一人取書

進之君泣曰老夫之罪使孺弱罹害言未畢有赤龍長

萬丈擎天而去俄而祥風慶雲幢節玲瓏紅妝千百中

有一人即寄書者乃宴殺於碧雲宮辭去後再娶盧氏

貌美曰子即洞庭君子涇上之辱君能救之茲奉閨房

永以爲好同歸龍母鶴林玉露士有謁京師龍母廟

洞庭莫知其跡龍母者見塑像美姿容悅之意爲他

日居官安得良匹若出時乘馬忽見蛇蟠于鞍方駭

之乃嚮也後獲美除至中道宿旅邸見舍後簾箔內處

女往來須臾主人出欸寒暄履乃許以姻好遂諧

伉儷之任所載生二子有從婢擔水常棄後桶不食

六作化爲二龍而去龍窩夷堅志吳興鄭伯鷹監

近嘗觀龍挂或爲黃金色或爲青或白或赤或黑蛇

天矯隨雲升降但不覲其頭角土人云最畏龍窩每出

則必有漲潦大爲鹽鹵之害一日忽見之乃平地出一

巨窟傍穿深竅蓋龍出入處也塲衆往視無復踪跡滿

古書麟介部龍

穴皆龜鼈螺蚌殼或于蚌內作觀音像姿相端嚴珠非
嬰珞楊枝淨瓶無不具備又于蟹捲內刻一鬼毛髮森
立怪惡可怖如是者非一
鄭取數物藏之間以示客
時前後連石填之頃之石復失
焉後命道士投簡於內方滿
有一皮扇子製作甚質每暑月宴客即以此扇子置於
坐前使新水灑之則颯然風生巡酒之間客有寒色遂
命撤去明皇亦嘗差中使取看
愛而不受曰此龍皮扇子也
高才數寸蒼翠嵌空盛夏常設盆水置小山於其中一
日張宴有客掬水洒之須臾雲霧自竅中出有光如電
細視蜿蜒小龍如線挂雲霧中已而散繹蜿蜒亦莫知
所之眾客驚異謂曰此龍精石也龍交海上精流于石

龍五

增詩北齊蕭愨飛龍引曰河曲銜圖出江山負舟歸欲

因作雨去還逐景雲飛引商吹細管下徵泛長徽持此
淒清引春夜舞羅衣 陳張正見應龍篇曰應龍未起
時乃在淵底藏非雲足不踏舉則衝天翔譬彼野蘭草
幽居常獨香清風播四遠萬里望芬芳隱居可頤志自
見焉得彰 唐李嶠詠龍詩曰銜燭輝幽都含章擬鳳
雛西秦飲渭水東洛薦河圖帶火移星陸騰雲出鼎湖
希逢聖人步庭闕正晨趨 宋歐陽修百子坑賽龍詩
曰嗟龍之知誰可拘出入變化何須與壇平樹古潭水
黑沈沈影響疑有無四山雲霧忽晝合瞥起直上挈空
虛龜魚帶去半空落雷旬電走先後驅傾崖倒澗聊一

戲頃刻萬物皆滋濡青天却掃萬里靜但見綠野如雲
敷明朝老農拜潭側鼓聲坎坎鳴山隅野巫醉飽廟門
闔狼籍鳥鳥爭殘餘 蘇軾起伏龍行曰何年白竹千
鈞弩射殺南山雪毛虎至今顱骨帶霜牙尚作四海毛
蟲祖東方久旱千里赤三月行人口生土碧潭近在古
城東神物所蟠誰敢侮上歆蒼石擁巖竇下應清河通
水府眼光作電走金蛇鼻息爲雲捲煙縷當年負圖傳
帝命左右羲軒詔神禹邇來懷寶但貪眠滿腹雷霆瘖
不吐赤龍白虎戰明日倒捲黃河作飛雨嗟吾豈樂聞
兩雄有事徑須煩一怒 韓琦詠龍詩曰育德知何宅

逢辰或見靈配乾雖有象作解本無形浹物周寰宇遺
功在杳冥丹青如可狀試下葉公庭 邵雍應龍吟曰
龍者陽類與時相須首出瑞物周遊六虛能潛能見能
吸能呼能大能小能有能無 何夢桂蛟龍歌曰世間
怪物有蛟龍三百六十蟲之長神靈出噓吸變化互來
往布爪曾雲興鼓鬣歛電放無欲不受劉累馴假形豈
被葉公誑時飛則飛潛則潛所以隨時知得喪莫道魚
蝦性不靈相依煦末豈敢嗔江濱鱸鯨久失水聞此鼓
舞威相親安得此身化爲雲隨龍上下雲無心 元虞
集龍卵詩曰入眼圓如頷下珠也知靈物化生殊淋漓

猶帶元氣溼混沌終含太極初雨施雲行待時至海涵
眷育有神扶明當一躍天池去滂沛恩波及涸魚

原賦魏劉劭龍瑞賦曰太和七年春龍見摩陂行自許
昌親往臨觀形狀瓌麗光色燭耀侍衛左右咸與覩焉
自載籍所紀瑞應之致或祥集於邦國卓犖於要荒未
有若斯之著明也惟殷眺之舊式乃展義而省方皇輿
發於洛邑遂巡幸於許昌憲宸極之天居建正殿以當
陽歲在析木時惟仲春靈威統方勾芒司辰陽升九四
或躍于淵有蜿之龍來遊郊甸應節合義象德效仁紆
體盤縈摛藻布文青耀章采雕琢璘玕燦若羅星蔚若

翠雲光鳥奕以外照水景清而內分聖上觀之無射左
右察之既精聊假物以擬身忽神化而無形泉含物而
不澹固保險而常寧昔太昊之初化首帝德以表名暨
明后之隆盛又降見以揚聲惟珍獸之幽真實殊異於
四靈信應龍之道揚將天飛於太清 繆襲青龍賦曰
懿矣神龍其知惟時覽皇代之云爲襲九泉以潛處當
仁聖而覲儀應令月之風律照嘉祥之赫戲敷華耀之
珍體耀文采以陸離曠時代以稀出觀四靈而特奇是
以見之者景駭聞之者崩馳觀夫仙龍之爲形也蓋鴻
洞輪碩豐盈脩長容姿溫潤蛟迤成章繁虵蚪繆不可

度量遠而視之似朝日之陽邇而察之若列缺之光燭
若鑿陽和映瓊瑤對若望飛雲曳旌旗或蒙翠岱或類
流星或如虹霓之垂耀或似紅蘭之芳榮煥璘彬之瑰
異實皇家之休靈奉陽春而介福賚萬國之嘉禎 晉
劉琬神龍賦曰大哉龍之爲德變化屈伸隱則黃泉出
則升雲賢聖其似之乎惟天神上帝之馬含胎春夏房
心所作軒照形角尾規矩 **增**唐潘炎黃龍再見賦曰
非同上天之五蛇有異渡江之一馬秦夢立乎廊時漢
時見於成紀彼皆一至此則重光錯甲鏤鱗分宮紀號
超紫鳳於丹穴越青鸞於女牀 白居易黑龍飲渭水

賦曰爾其矯首陸梁拖尾迴翔蹈流鳴躍劈波騰驤飲
清瀾之澹澹噴素浪之湯湯頓領而碎珠迸落奮鬣而
細雨飛揚鱗水族則鱣鮪奔走駭泉室則鼉鼉伏藏信
可符帝王之度叶邦家之光表三秦之嘉瑞呈二漢之
禎祥 宋王安石龍賦曰龍之爲物能合能散能潛能
見能弱能強能微能章惟不可見所以莫知其向惟不
可畜所以異於牛羊變而不可測動而不可馴則常出
乎害人而未始出乎害人夫此所以爲仁爲仁無止則
常至乎喪已而未始至乎喪已夫此所以爲智止則身
安曰惟知幾動則物利曰惟知時然則龍終不可見乎

曰與爲類者嘗見之

原贊晉郭璞燭龍贊曰天缺西土龍銜火精氣爲寒暑眼作昏明身長千里可謂至靈 又曰龍魚一角似鯉居陵俟時而出神靈攸乘飛驚九域乘雲上升

原銘晉傅休奕龍銘曰麗哉神龍誕應陽精潛景九淵飛躍天庭屈伸從時變化無形偃伏汙泥上凌太清

原表魏曹植表曰臣聞鳳皇復見於鄴南黃龍雙出於清泉聖德至理以致嘉瑞將棲鳳於林囿龍於池爲百姓旦夕之觀也

原序魏繆襲青龍賦序曰蓋青龍者火辰之精木官之

瑞

增雜著唐韓愈雜說曰龍嘘氣成雲雲固弗靈於龍也然龍乘是氣茫洋窮乎淵間薄日月伏光景感震電神變化水下土汨陵谷雲亦靈怪矣哉雲龍之所能使爲靈也若龍之靈則非雲之所能使爲靈也然龍弗得雲無以神其靈矣失其所憑依信不可與異哉其所憑依乃其所自爲也易曰雲從龍旣曰龍雲從之矣 柳宗元謫龍說曰扶風馬孺子言年十五六時在澤州與羣兒戲郊亭上頃然有奇女墮地有光熠然被綴裘白紋之裏首步搖之冠貴游少年駭且悅之稍狎焉女頰爾

怒曰不可吾故居鈞天帝宮下上星辰呼噓陰陽薄蓬萊羞崑崙而不卽者帝以吾心侈大怒而謫來七日當復今吾雖辱塵土中非若儷也吾復且害若衆恐而退遂入居佛氏講室焉及其進取杯水飲之噓成雲氣五色脩脩也因取裘反之化爲白龍徊翔登天莫知其所終亦怪甚矣嗚呼非其類而狎其謫不可哉孺子不妄人也故記其說 宋沈存中彭蠡小龍記曰彭蠡小龍顯異至多人人能道之一事最著熙寧中王師南征有軍仗數十船泛江而南自離真州卽有一小蛇登船船師識之曰此彭蠡小龍也當是來護軍仗耳主典者以

潔器薦之蛇伏其中船乘便風日棹數百里未嘗有波濤之恐不日至洞庭蛇乃附一商人船回南康世傳其封域止於洞庭未嘗踰洞庭而南也有司以狀聞詔封神爲順濟王遣禮官林希子致詔至祠下焚香畢空中忽有一蛇墜祝肩祝曰龍君至矣甚重一臂不能勝徐下至几案間首如龜不類蛇首也子中致詔意曰使臣至此齋三日然後致祭王受天子命不可以不齋戒蛇受命徑入銀香奩中蟠三日不動祭之日旣酌酒蛇乃自奩中引首吸之俄出循案行色如溼臙脂爛然有光穿一剪綵花過其尾尚赤其前已變爲黃矣正如雌

黃色又過一花復變爲綠如嫩草之色少頃行上屋乘
紙幡脚以行輕若鴻毛倏忽不見明日還蛇在船後送
之踰彭蠡而回此龍常遊舟楫間與常蛇無辨但蛇行
必蜿蜒而此乃直行江人常以此辨之

螭

增說文曰若龍無角而黃北方謂之土螭 宋程大昌
演繁露曰螭魚四足長尾鱗成五色頭似龍無角 呂
覽孔子曰螭遊乎清而食乎濁 淮南子覽冥篇曰今
夫赤螭青虬之遊冀州也天清地定嗜味含甘步不出
頃畝之區而蛇鱓輕之以爲不能與之爭於江海之中

若乃至於黜雲之素朝陰陽交爭降扶風雜凍雨扶搖
而登之感動天地聲振海內蛇鱓著泥百仞之中 漢
書揚雄客難云夫翠蚪絳螭之將登乎天必聳身于蒼
梧之淵不階浮雲翼疾風虛舉而上則不能櫟膠葛騰
九閼 拾遺記曰崑崙山第三層有螭潭百里多龍螭
皆白色千歲一蛻其五臟此潭左側有五色石云是白
螭之腸化爲石 淮南子曰前白螭後黃蛇 楚詞曰
與汝遊乎九河衝風起兮橫波乘水車兮荷蓋駕兩龍
兮驂螭 又曰駕青虬兮驂白螭吾與重遊兮瑤之圃
高唐賦曰乘玉輿兮駟蒼螭 漢郭憲洞冥記曰武

帝好微行于長安城西夜見一螭遊於路董謁曰昔桀
媚末喜置于膝上以金簪貫玉螭腹為戲今螭腹餘金
簪穿痕安知非此耶古曰白龍魚鱗網者食之帝曰試
我也 唐柳宗元愬螭文曰零陵城西有螭室於江法
曹史唐登浴其涯螭牽以入一夕浮水上吾聞凡山川
必有神司之抑有是耶於是作愬螭投之江

蛟一

原說文曰蛟龍屬也魚滿三千六百則蛟為之長率魚
而飛去 **增**又曰無角曰蛟 埤雅曰蛟骨青 又曰
蛟能交首尾束物故謂之蛟俗呼馬絆以此一說蛟尾

有肉環束物則以首貫之 述異記曰蛟眉連生連生

則蛟矣相書所謂交眉則蛟虺之眉是也 **原**月令曰

季秋伐蛟 鄭氏謂蛟言伐者以其有兵衛也 易緯通卦驗曰震東方

也至春分日出青氣也出直震此正氣也氣出右萬物

半死氣出左蛟龍出 **增**家語曰竭澤而漁則蛟不處

其淵 淮南子曰一淵不兩蛟 **原**山海經曰蛟似龍

蛇而小頭細頸頸有白嬰大者十數圍卵生子如三斛

甕能吞人 **增**又曰禱過之山浪水出焉其中有虎蛟

其狀魚身而蛇尾其音如鴛鴦食者不腫可以已痔

原王韶之始興記曰雲水源有湯泉下流多蛟害厲濟

者遇之必笑而沒 **增**輿地志曰河間滹沱河水嘗有蛟入五月恒暴遂變爲人於岸上與人並行至懸岸處推與俱下 裴淵廣州記曰新寧縣東溪甚饒蛟及時害人曾於魚梁上得之其長丈餘形廣如楯修頸小頭胸前赭背上青斑脇邊若錦 唐陸禔續水經曰蛇雉遺卵於地千年而爲蛟其出殼之日害於一方洪水飄蕩吳人謂之發洪 述異記曰虺五百年化爲蛟蛟千年化爲龍 唐子西語錄曰思州有潭虎飲水其上蛟尾而食之故東坡詩曰潛鱗有餓蛟掉尾取渴虎 墨客揮犀曰蛟之狀如蛇其首如虎長者至數丈多居溪

潭石穴中聲如牛鳴岸行或溪谷者時遭其害見人先以腥涎繞之既入水卽於腰下吮其血血盡乃止昔有舟人爲蛟所毒但見于水上嬉笑而入明日尸出兩腋有穴如杯焉 星禽術法分配二十八宿而以角木蛟居首 翻譯云梵言宮毗羅蛟也 韓愈秋懷詩曰其下澄秋水有蛟寒可罾 柳宗元詩幽窟潛神蛟 李沈夢仙謠曰臨池靜聽雌蛟啼 蘇軾赤壁賦曰舞幽壑之潛蛟 孫覲詩云老蛟怒起挈雲立

蛟二

增拾遺記曰唐堯時懷山爲害大蛟縈天縈天則三河

俱溢海瀆同流 又曰舜受堯禪有孝讓之國執玉帛
來朝其國至億萬之年山一輪海一竭魚蛟陸居有赤
鳥如鵬以翼覆蛟魚之上蛟以尾叩天求雨魚吸日之
光冥然則暗如薄蝕矣 博物志曰澹臺子羽賁千金
之璧渡河河伯欲之陽侯波起兩蛟夾船子羽左操璧
右操劍擊蛟皆死既濟三投璧於河河伯三躍而歸之
子羽毀璧而去 **原**韓詩外傳曰東海有勇士菑邱訢
過神泉飲馬其僕曰飲馬此者馬必致死飲馬果沈訢
拔劍而入三日三夜殺二蛟而出雷神隨而擊之眇其
左目 呂氏春秋曰荆有飲飛者得寶劍還涉江有兩

蛟夾繞其船飲飛拔劍赴江刺蛟殺之荆王聞之仕以
執珪 漢書曰武帝元封五年帝自潯陽江親射蛟江
中獲之 **增**拾遺記曰漢昭帝嘗遊渭水使羣臣漁釣

爲樂時有大夫任緒釣得白蛟長三丈若大蛇無鱗甲
頭有一角長二尺牙出唇外帝曰此魚鮓之類非珍祥
也乃命大官爲鮓肉紫骨青味甚美帝後思之使醫者
復覓終不得也 **原**潯陽記曰城東門通大橋常有蛟
爲百姓害董奉疏一符與水中少日見一蛟死浮出

增列仙傳曰馬明生捕蛟爲蛟所傷道間見一神女以
肘後管中一丸藥與服卽愈隨女入岱宗山石室金牀

玉几安期生從六七仙人見神女稱下官請陽九百六之數神女曰自頃四海水減溟湖成山連城之鯨萬丈之蛟不達於海惟叩天索水詞訟紛紜有干上府三官煩于省察司陰亦疲於謹案矣 新書曰曹公幼而智勇年十歲常浴於譙水有蛟來逼自水奮擊蛟乃潛退於是畢浴而還弗之言也後有人見大蛇奔逐操笑之曰吾爲蛟所擊而未懼斯畏蛇而恐耶衆問乃知咸驚異焉 吳記曰吳大帝赤烏三年七月有王述者採藥於天台山時熱息橋下忽見溪中有一小青童長尺餘執一青蒲而乘赤鯉魚徑入雲中漸漸不見述良久登

峻巖四望見海上風雲起頃刻雷電交鳴俄然將至述懼伏於虛樹中天霽又見所乘之赤鯉小童還入溪中乃黑蛟耳 **原**世說曰周處年少時凶強俠氣爲鄉里所患又義興水中有蛟山中有虎並皆犯暴百姓謂爲三橫而處旣刺殺虎又入水殺蛟蛟或浮或沒行數十里處與之俱三日三夜鄉中皆謂處死更相慶賀處竟殺蛟而出自是改勵遂爲忠臣孝子 **增**異苑曰承陽人李增行經大溪見兩蛟在川引弓射之中一卽死增歸因復出市有一女子素服銜涕捉所射箭增怪之問焉荅曰何用問爲若是君箭便以相還授矢而滅增惡

而驟返未達家暴死於路 幽明錄曰晉安帝隆安初
曲阿民謝盛乘船入湖採菱見一蛟來向船船迴避蛟
又從其後盛便以叉殺之懼而還家經年無患至元興
中普天亢旱盛與同旅數人步至湖中見先叉在地拾
取之云是我又人問其故具以實對行數步乃得心痛
還家一宿便死 襄陽耆舊傳曰晉鄧遐字應遠勇力
絕人氣蓋當時爲襄陽太守城北沔水中有蛟嘗爲人
害遐遂拔劍入水蛟繞其足遐揮劍截蛟流血江水爲
之俱赤因名曰斬蛟渚亦謂之斬蛟津 續搜神記曰
長沙有人家住江邊有女子渚上澣紗覺身中有異復

不以爲患遂娠身生三物皆如鱖魚甚憐異之乃著藻
槃水中養之經三月此物遂大乃是蛟子字大者爲當
洪次者名被祖小者爲操岸天暴雨水三蛟一時俱出
遂失所在後天欲雨此物輒來女亦知當來便出望之
蛟子亦出頭望母良久方復去後女亡三蛟子至其墓
所哭之徑日乃去聞其哭聲狀如號犬 又曰安城平
都縣尹氏居在郡東十里曰黃屯尹佃舍在焉元嘉二
十三年六月中尹兒年十三守舍見一人年可二十許
騎白馬張繖及從者四人衣並黃色俱從東方而來於
門呼尹來暫寄息因入舍中庭下坐牀一人捉繖覆之

尹兒看其衣悉無縫馬五色斑似鱗甲而毛有頃雨氣至此人上馬去顧尹兒曰明日當更來尹兒觀其去西行躡虛而漸升須臾雲四合白晝爲之晦明日大水暴出山谷沸涌邱壑森漫將淹尹舍忽見大蛟長三丈餘盤屈庇其舍道焉方輿勝覽曰趙昱常隱青城山隋煬帝起爲嘉州太守時犍爲潭中有老蛟爲害昱率甲士千人夾江鼓噪昱持刀入水有頃潭水盡赤昱左手提蛟頭右手持刀奮波而出明皇雜錄曰開元中有黃門奉使自交廣而至方拜舞于殿下時國醫紀周顧之謂上曰此人腹中有蛟龍明日當產二子則不可活

也上驚問黃門曰有疾否曰臣馳馬大庾嶺時當大熱既困且渴於路旁飲野泉遂腹中堅痞如石周卽以滑石雄黃煮而飲之立吐一物不數寸其大如指細視之鱗甲俱備龍城錄曰賈宣伯有神藥能治三蟲吳江有怪土人謂蛟爲害宣伯以數刀圭投潭中明且老蛟死浮於水北夢瑱言曰王蜀先主時修斜谷閣道鳳州衙將白某掌其事焉至武休潭見一婦人浮水而來意其溺者命役夫鉤至岸濱忽爲大蛇沒入潭中白以爲不祥因而致疾愚爲誦岑參賦云瞿塘之東下有千歲老蛟化爲婦人彩服靚妝游於水濱白公聞之方悟

蛟也厥疾尋瘳又內官宋愈昭自言於柳州江岸爲二
三女人所招里民呼而止之亦蛟也 王鞏聞見近錄
曰張元許州人也客於長葛間以俠自任縣河有蛟長
數丈每飲水轉橋下則人爲之斷行一日蛟方枕大石
而飲元自橋上負石中蛟宛轉而死血流數里 埤雅
廣要曰宋寶祐丁巳夏邵武軍管下市中有開食店者
因買魚得一白鱧始則甚小極愛惜之每日飼以餅之
屬逐日長大遂放於十字街巨井中越一年忽一口井
內有火燄兩條射出井外衆窺之乃白白鱧兩目中來
而其身已如巨木因此淫雨不止天氣昏黑白鱧忽自

井中騰空而去井水迸漲四郊洪水驟至棟宇俱沒有人
避水於高樓者皆聞空中有人喝云滿也未如是者
二其時罹水厄死者甚衆 宋史洪邁曰黃河之南陽
武下埽在汴京西北數爲湍潦所敗金皇統中嘗決溢
發卒塞之朝成夕潰汴守募能沒者探水底一漁叟自
言能潛伏一晝夜遂命備牢醴先祭河神然後遣之入
半日而出曰下有長蛟爲害故埽不能堅非殺之不可
須得寶劍乃濟蛟方熟寢於百尺之淵斬之易也守取
鎮庫古劍付之將入又言曰願集衆舟於岸泝以相俟
至午水變赤色則令至中流及期水赤漁叟攜蛟頭奮

而登舟洪流陡落守欲奏以武爵辭不受多與金帛亦
辭旋踵而死守為立祠於其處請於朝封為四將軍靈
應甚著訪漁之家無有知者亦不會詢其姓氏識者疑
為神云 潛確類書曰元嚴子忠汀洲人遣僕入山掘
筍雷電大作樹下一窟有物如犬而長其聲如雷僕揮
鋤擊之而斃人謂之山蛟再積五百年則為龍矣

蛟三

增裂山

潛窟

蛟不能降雨而能裂山 下詳柳宗元詩

紫天

得水

上詳

蛟二拾遺記 歐陽詢傳詢嘗書千文周越題云所謂旱蛟得水竟兔走穴尚不虛耶

一角 無湖有蠖磯老蛟也似蛇四足能害人賈生所謂面蠖獺以隱處者也 下詳蛟二拾遺記

四足

龍屬 **雉化** 上詳蛟一說文 通雅 **蛟妾** **蛟人** 述異記頁策之未宮中有婦人化為龍俄復為婦人甚麗而食人命為蛟妾告策以吉凶之事 洞冥記文犀國人長七尺披髮至踵乘象入海底宿蛟人之舍夕得淚珠則蛟人所泣淚而成珠也

蛟四

增詩 宋梅堯臣詩曰橋邊三尺劍江上六鈞弧漢武帝何在周將軍已無織綃深有室泣淚自為珠誰謂九淵害人猶能爾圖

增賦 唐獨孤授漢武帝射蛟賦曰何彼蛟之天矯據積水之空濶謂伏飛之劍莫前滅明之璧是奪一旦突紫肉裂素纓餘怒蚴蟻上浮洪澄暗質已靡于巨艦流血

方走乎東瀛介以鱗莫得捍七札之勁神之化不能保
重泉之生萬靈震駭九派徐清

原贊晉郭璞蛟贊曰匪蛇匪龍鱗采輝煥騰躍波濤蜿
蜒江漢漢武飲羽飲飛疊斷

蜃一

增蜃蛇類也 雜兵書曰渭水出氣如蜃蜃形似蛇而
大腰以下鱗盡逆一曰狀似螭龍有耳有角背鬣作紅
色噓氣成樓臺望之丹碧隱然如在煙霧高鳥倦飛就
之以息喜且至氣輒吸之而下今俗謂之蜃樓將雨卽
見史記蜃氣成樓臺卽此是也世云雉與蛇交而生蜃

蓋得其脂和蠟爲燭香聞百步煙出其上皆成樓閣之
狀矣 筆談曰登州海中時有雲氣如宮室臺觀城堞
人物車馬冠蓋之狀謂之海市或云蜃蛟之氣 物類
相感志曰蜃龍也如池井間有之則吐氣爲雨今吳山
陰井泉不竭者蓋有焉 埤雅廣要曰蛇化爲蜃似蛟
無足

蜃二

增十二真君傳曰許真君遜遇一少年儀容修整白稱
慎郎許君知爲蛟蜃之精謂門人曰吾念江西累爲洪
水所害若不剪戮恐致逃遁蜃精知之潛於龍沙州化

古書考源錄卷四
卷四
五
爲黃牛真君亦化爲黑牛而以手中挂膊別之令弟子
施太玉揮劍中其左股因投入城西井中從此井徑歸
潭州仍化爲美少年以珍寶財貨數萬娶刺史賈玉女
真君見賈曰聞君有貴婿請見之賈令出見慎郎託病
潛藏真君厲聲曰江湖害物老魅焉敢遁形於是復變
本形宛轉堂下爲吏人所殺真君又以水巽其二子卽
化爲小屋因勸賈玉速移俄頃之間官舍崩沒 太平
廣記曰徽歛黃墩湖有蜃嘗與呂湖蜃鬪湖之近邨有
程靈銑者好勇善射夢蜃化爲道人告之曰吾爲呂湖
蜃所厄君其助我我必厚報束白練者我也明日靈銑

與邨少年鼓噪湖邊須臾波濤湧激聲似雷霆見二牛
相馳其一甚困而腹肋皆白靈銑射中後蜃水變成血
其傷蜃歸呂湖未到而斃

蜃三

增賦唐王起蜃樓賦曰霧歇煙銷雲歸月朗千里目極
八紘心賞惟錯之類咸伏陽侯之波無響於是吐氛氲
騰洪漭隱隱迥出亭亭直上乍明乍滅舒渤海而新鮮
若合若離結麗樵而博敞

古香齋新刻袖珍淵鑑類函卷四百二十八

古香齋新刻袖珍淵鑑類函卷四百三十九

鱗介部三蛇

蛇一

原詩曰惟虺惟蛇女子之祥

增西陽雜俎曰凡禽獸

必藏形匿影同於物類是以蛇色逐地 字說曰蛇螫

人也而亦逃人 稗海地三年種蜀黍其後七年多蛇

原孫子兵法曰善用兵者譬如率然率然者常山之

蛇也擊其首則尾至擊其尾則首至擊其中則首尾俱

至張茂先云會稽山中多此蛇

增淮南子曰巳日山中稱寡人者

社中蛇也 山中見巨蛇冠幘者名曰升卿呼其名則

吉 星經騰蛇二十二星在室北近河主蟲蛇 **原地**

鏡圖曰金寶化為青蛇 **增**西陽雜俎曰巳日不宜殺

蛇 瑣碎錄曰倒拖蛇不出以鍼劄其尾即出 辨蛇

雌雄以細軟物停蛇著上其躁燒者當知是雄住不動

者當知是雌如雜寶藏經律云白疊試蛇俱住不同也

僉載種黍來蛇燒殺羊角及頭髮則蛇不敢來 續

博物志曰鴟鳴則蛇結 稽聖賦曰蛇曉方藥鳩善禁

咒大石使起取蛇食之 廣雅曰螂蛆蜈蚣性能制蛇

莊子曰螂蛆甘帶是也 三教珠英曰土勝水故螂蛆

搏蛇舊說蝮食螂蛆螂蛆食蛇蛇食蟾蝻三物相值莫

敢先動 詩經類考曰淫莫如蛇與龜鼈通氣與文魚

孔雀交與雉交生蜃螿莫如蛇虜食之攝龜食之鸛鷺

鴟鳩食之蜈蚣喜食其腦 **原**爾雅曰騰騰蛇 能興蟒雲霧

王蛇 蛇之最 **增**詩經類考曰額有王字為衆蛇之長

埤雅廣要曰騰蛇一名神蛇亦曰靈蛇 又曰騰蛇

能騰蟲之自勝者也 荀子曰騰蛇無足而飛 **原**淮

南子曰夫騰蛇雄鳴上風雌鳴下風而化成形精之至

也 **增**陰陽自然變化論曰騰蛇聽而有孕 爾雅曰

蝮蝮屬大眼最有毒今淮南人呼蝮子 **原**廣志曰

蝮蛇與土色相亂長三四尺其中人以牙櫟之截斷皮

出血則身盡痛九竅出血而死

增埤雅廣要曰蝮蛇

怒時毒在頭尾螫手則斷手螫足則斷足蛇之尤毒者也 字說曰蝮復也觸之則復其害人也人亦復焉

顏師古曰蝮蛇博三寸細項大頭首大如擘焦尾色如綬文文

間有毛如猪鬣鼻反其上有鍼大者長七八尺一名反

鼻惟出南方 蝮蛇白斑黃領身短首尾相似口長鼻

反聞人咳喘步驟聲捷巧前噬口中吐涎草木上著人

身成瘡腫曰蛇瘻難療 **原**抱朴子曰蛇類多惟有蝮

蛇中人至急一日不治則殺人若不曉方術而為此蛇

所中但以刀割瘡肉投地其肉沸如火炙須臾焦盡而

人得活也

增博物志曰蝮蛇秋月毒盛無所螫齧草木以泄其氣草木即死樵採設為此草木所傷刺者亦

殺人謂之蛇迹 **原**淮南子曰豹獸不可使緣木蝮蛇

不可使安足 楚詞曰蝮蛇蓁蓁 **增**埤雅廣要曰虺

狀似蛇而小國語為虺弗摧為蛇奈何以此故也 顏

師古曰虺若土色所在有之俗呼土虺 陶弘景曰虺

形短而扁毒與蝮同 詩經類考曰虺一身而兩口廣

雅曰虺蝮也 楚詞曰雄虺九首 **原**山海經巴蛇吞

象三歲而出骨君子服之已心腹之疾 今南方蝮蛇吞鹿已爛自絞于

樹腹中骨皆穿鱗中間出 **增**正字通曰巴蛇長十尋備青黃赤黑

古書齊州監真 卷之三 鱗介部 蛇 三

色今蚺蛇卽其類 埤雅廣要曰蚺大蛇尾圓無鱗身
有斑文如故暗錦纈難死似鼉行地嘗俯其首膽隨日
轉上旬近頭中旬在心下旬近尾南人云俗取其膽以
充藥材卽以線合其瘡縱之後遇捕者輒自見金瘡以
明無膽亦其智也 一曰蚺蛇之膽取而還生 淮南子
曰越人得蚺蛇以爲上有中國得而棄之無用 嶺表
錄異記曰普安州有養蛇戶每年五月五日卽擔蛇入
府祇候取膽皆于大籠中藉以軟草盤屈其上兩人昇
一條在地上卽以十數拐子從頭翻其身旋以拐子按
之不得轉側卽于腹上約其尺寸用利刃決肝膽突出

卽割下其膽皆如鴨子大曝乾以備上貢

說郭

括地志

曰蚺蛇牙長六七寸土人尤重之云辟不祥利遠行賣

一枚直牛數頭

證俗音曰蚺蛇肉食之辟蠱毒

北

戶錄曰其皮可鞞鼓今潮州和鱗爲之聲與象皮鼓相

類 埤雅曰蚺蛇脂著人骨輒軟

潛確類書曰蚺蛇

性淫南越人取之者率徒手呼紅娘子或投婦人褻衣

覆之則伏不動惟人所牽拽屠剝 嶺表錄異曰兩頭

蛇嶺外多此類時有如小指大者長尺餘腹下鱗紅背

錦文一頭有眼口一頭似頭而無口眼云兩頭俱能進

退謬也古云見之不祥今南人常見之其禍安在 兼

名苑曰兩頭蛇一名越王約髮詩經類考亦名弩弦南越志曰

兩頭蛇無毒夷人餌之續博物志曰兩頭蛇馬鼈食

牛血所化嶺表錄異曰金蛇出黔州鱗甲上有金銀

解毒之功不下吉利也本草曰金蛇無毒大如中指

長尺許嘗登木飲露金色照日有光能解金毒又有銀

蛇能解銀毒爾雅翼曰凡蛇死目皆閉斲蛇雖死目

開如生生舒斲兩界者一開一閉物由地變如此一

統志曰斲州有白花蛇項有方勝尾有指甲人劃破其

腹則自赴水以指甲洗去其腸蟠屈而死食之治風疾

極驗本草圖經曰烏蛇一名香蛇背有三稜色黑如

漆性至良不齧物多在蘆葦中吸其花氣或乘南風而

吸乾寧記其蛇烏身光頭眼有赤色腹下有白帶子一

條正字通曰烏蛇最難捕枯死眼不陷詩經類考

曰有一種名烏燒尾細長有穿錢至百者善治風症本草

江東一種名烏稍蛇能纏物至死一名烏稍蛇淮南子曰神蛇自斷其身而

自相續注長三尺色似金熟視之微黑不毒人觸其怒

則自斷若刀截怒定相就如故原山海經曰大同之

山有蛇名曰長蛇其毛如毳毫其音如鼓柝又曰秦

華山有蛇名肥遺六足四翼增又曰不咸山有蟲獸

首蛇身名曰琴蟲注蛇類原元中記曰東海有蛇邱

之地險多漸洳衆蛇居之無人民蛇或人頭而蛇身
 又曰崑崙山西北有山周圍三萬里巨蛇繞之得三周
 蛇爲長九萬里蛇居此土飲食滄海 異苑曰魯國中
 牟縣蒙山上有寺廟今民欲架室者輒大蛇數十丈出
 來驚人故莫得安焉 **增**水經注曰漢水又東合洛谷
 谷有三源注一壑於神蛇成西左右山溪多五色蛇性
 馴良不爲物毒 神異經曰西荒之中有蛇輒往就人
 欲食腦盤地丈餘人間嘗燒大石伺其臥時舌出以石
 投舌上於是低頭絕氣而死 通志曰淮江中獸名能
 能蛇之精冬化爲雉春復爲蛇今吳下不食雉毒故也

埤雅南方多蛇精嘗化爲人以呼行旅姓名若顧應
 之夜必至棲所傷人土人養蜈蚣於枕中臥覺有聲則
 啓枕放之蜈蚣乃疾馳蛇所啗其腦 寰宇記曰滇池
 黃津江有大蛇名青蔥好食人 又曰九真長江水有
 鈎蛇其蛇食人若殺此蛇則當令死若不死則尋追報
 人終不已也雖復人衆中往取害之萬不一失 通志
 曰鬱林州出蛇長十丈以帚夜投之則盤可辟不祥
 西陽雜俎曰藍蛇首有大毒尾能解毒出梧州陳家洞
 南人以首合藥謂之藍藥藥人立死取尾爲腊反解毒
 藥 西陽續集曰蠻江蛇出南安至五六月有巨蛇泛

江岸首如張帆萬萬蛇隨之入越王城 夢溪筆談曰
宣州寧國縣多積首蛇其長盈尺黑鱗白章兩首文彩
同但一首逆鱗耳人家庭楹間動有數十同穴略如蚯
蚓 潛確類書曰脆蛇一名片蛇出雲南大侯禦夷州
長二尺許遇人輒自斷為三四人去則復續乾之治惡
疽腰以上用首以下用其尾又治大痲風及痢 又曰
芳蛇膏能漏金銀而不能漏于卵殼 西陽雜俎 首
生嶺南南人謂之矛膏至利銅瓦器 龍身入水緣樹木
貯浸出惟雞卵殼盛之不漏主毒腫 江賦曰倮虻拂
翼而掣耀神螟蝮蝻以沈遊 倮虻狀如黃蛇魚翼出火
有光神螟蛇也蝮蝻盤尾
貌 梅聖俞詩曰新雷奮虵甲

蛇二

原抱朴子曰或問隱居山澤治蛇蝮之道曰昔負邱多
大蛇又生好藥黃帝將登焉廣成子教之佩雄黃而蛇
皆去也今帶武都黃色如雞冠者五兩以入山林則不
畏蛇蛇若中人以少許末抹之雄黃入瘡中立愈 **增**
潯陽記曰羿屠巴蛇於洞庭其骨若陵故曰巴陵 穆
天子傳曰天子飲于留祈遺其靈鼓化為黃蛇 新序
曰太子申生至靈台蛇繞左輪御曰速得國之祥太子
遂不反伏劍而死 賈誼新書晉文公出田前驅還曰
前有大蛇其高如隄橫道而處文公曰還車而歸其御

請攻之公曰不可乃歸齋宿而請於廟退而修政居三月夢天誅蛇曰爾何敢當聖君之路文公覺令人視之蛇已臭爛矣 左傳曰莊公初內蛇與外蛇鬪於鄭南門內蛇死不踰年而厲公入 又曰文十六年有蛇自泉宮出入於國如先君之數 又曰成二年逢丑父寢於轅中蛇出於其下以肱擊之傷而匿之故不能推車而及 搜神記曰魯定公元年有九蛇繞柱占以為九世廟不祀乃立煬宮 **原**韓子曰鴟夷子皮事田成子成子去齊亡之燕鴟夷子皮負傅而從至望邑日子獨不聞涸澤之蛇乎澤涸將徙小蛇謂大蛇曰大蛇行小

蛇隨之人以蛇之行者耳必有殺子子不如負我以行人必以我為神君也乃相負越公道而行人皆避之今子美而我惡以子為上客千乘之君也以子為使者萬乘之卿也不如為我舍人田成子負傅而隨之至逆旅逆旅之君待之甚敬因獻酒肉 史記曰秦文公夢黃蛇自天下屬地其口出於廊行於是作廊時 賈誼新書曰孫叔敖為嬰兒出遊還憂而不食母問其故泣而對曰今日見兩頭蛇恐死母曰今蛇安在曰聞見兩頭蛇者死恐他人復見之也已殺而埋之母曰無憂汝不死矣吾聞之有陰德者天報以福 **增**攝山記曰楚大

夫靳尚以讒殺屈原為天所譴作一大蟒穴在山後人為之立廟 **原**戰國策曰昭陽為楚伐魏移師攻齊陳軫為齊王使見昭陽曰有祠者賜其舍人酒一卮舍人相謂曰數人飲之不足一人飲之有餘請畫地為蛇蛇先成者飲酒一人蛇先成引酒且飲乃左手持酒右手畫地曰吾能為之足未成一人蛇成奪其卮曰蛇故無足子安能為遂飲酒為蛇足者終亡其酒今公攻魏破軍殺將又移師攻齊戰勝不知止猶為蛇足也昭陽乃解軍而歸 蜀王本紀曰秦惠王欲伐蜀蜀王好色乃獻美女五人蜀王遣五丁迎女還至梓潼見一大蛇入

山穴中士引其尾不能出五丁共引蛇山崩壓五丁五丁踏蛇而大呼 **增**漢書曰高祖夜行澤中大蛇當道拔劍斬之後人至蛇所有一老嫗夜哭曰吾子白帝子也化為蛇當道今者赤帝子斬之 搜神記曰漢武帝時張寬為揚州刺史先是有老翁二人爭山地詣州訟疆界連年不決寬臨復來寬視二翁形狀非人令卒持戟將入問汝何等精翁欲走寬呵格之化為巨蛇出列異傳曰壽光侯者章帝時人劾百鬼眾魅有婦為魅所疾侯劾得大蛇又有大樹人止之者死烏過亦死侯劾樹神有蛇長七八丈懸而死 **原**搜神記曰竇武母

產武而併產一蛇送之林中後母卒及葬未窆有大蛇自藜草而出徑至喪所以頭擊柩涕血皆流俯仰詰屈若哀泣之容有頃而去時人知為竇氏之祥 **增**又曰桓帝即位有大蛇見陽德殿上雒陽市令淳于翼曰蛇有鱗兵甲之象也見於省中明有椒房大臣受兵甲之誅也乃棄官遁去至延熹二年誅大將軍梁冀捕治家屬揚兵京師也 **原**風俗通曰車騎將軍巴郡馮緄為議郎發綬笥有二赤蛇可三尺分南北走大用憂怖卜云此吉祥也君後當為邊將以東為名後五年果為大將軍拜遼東太守 **增**漢史曰靈帝時青蛇見御座

採蘭雜志曰甄后既入魏宮宮庭有一綠蛇口中恒有赤珠若梧子不傷人人欲害之則不見矣每日后梳妝則盤結一髻形于后前后異之因效而為髻巧奪天工故后髻每日不同號為靈蛇髻宮人擬之十不得一二 **晉書**曰趙王倫篡位殿上有大蟒及小蟒耳間垂肉似重孝幘小蟒亦然 **又**慕容熙遊於城南止大柳樹下有人呼曰大王且止熙惡之伐其樹乃有蛇長丈餘從樹而出 **又**沮渠蒙遜攻浩亶有蛇盤于帳前蒙遜笑曰前一為騰蛇天意欲我回師先定酒泉也遂燒攻具而還 **原**世說曰杜預為荊州刺史時有讎集大醉

古史考 卷四
輒閉齋獨眠外聞齋中嘔吐其聲甚苦有小吏開戶看
之止見牀上有一蛇垂頭牀邊吐都不覺人既出密言
如此 **增**豫章記曰永嘉末有大蛇長十餘丈斷道經
過者輒以氣吸引取之吞噬已百數行旅斷絕道士吳
猛與弟子數人欲往殺蛇蛇藏深穴不肯出猛符南昌
社公驅蛇出穴頭高數丈猛於尾緣背而以足按蛇頭
著地弟子於後以斧殺之猛曰此蛇是蜀精蛇死而蜀
賊當平既而果杜弼滅也 廣五行記曰晉吳興太守
袁元瑛嘗之官請郭璞筮吉凶璞曰之官當有赤蛇爲
妖不可殺之後至府果有赤蛇在銅虎符函上蟠家人

搗殺之其後元瑛爲徐馥所害 廣陵志曰東晉時跋
陀羅尊者譯經于廣陵天寧寺之青蓮池忽有兩青蛇
從池中出化二童子自旦爲尊者洒掃焚香迄暮俟其
收經卷而去日復如是譯經既畢青衣亦不知所在
異苑曰太元中汝南人伐竹見一竹中央蛇形已成上
枝葉如故 獨異記曰蜀主李勢宮人張氏有妖容勢
寵之一旦化爲大斑蛇長丈餘送於苑中夜復來寢於
牀下勢懼而殺之 埤雅廣要曰晉武庫中有野雉莫
知所致張華曰雉側必有蛻蛇焉蓋蛇化雉也 白孔
六帖曰宋武帝微時伐荻新洲射大蛇長數丈明日復

往聞杵臼聲覘見數青衣童子搗藥問故荅曰我主爲
劉寄奴所射今合藥治之帝問主何人不荅叱之皆散
得藥傳世世人不知因名此草爲劉寄奴 異苑曰丹
陽鍾忠以元嘉冬月晨行見有一蛇長二尺許文色似
青琉璃有雙角白如玉感而畜之於是資業日登經年
蛇自亡忠及二子相繼殞斃此蛇來去吉凶其惟龍乎
搜神記宋元嘉中廣州有三人共入山中伐木忽見
石窠中有三卵大如升便取煮之湯始熱便聞林中如
風雨聲須臾有大蛇大十圍長四五丈逕來於湯中銜
卵而去三人無幾皆死 南史曰梁武帝與宮人幸元

洲苑見大蛇盤屈於道羣小蛇繞之並黑色宮人曰恐
是錢龍帝以錢十萬貫鎮于蛇處以厭之 圖經曰南
陽武當縣有郡社柏樹大四十圍梁蕭欣爲郡伐之言
有大蛇從樹腹中墜下粗數圍長三丈羣蛇數十隨之
入南山聲如風雨未伐樹前曾見夢於欣欣不以厝意
及伐之後欣果死於治所 廣五行記曰陳時吳興顧
楷之在桑樹上取葉見五尺大蛇入一小穴其從蛇或
三尺或五尺次第相隨略有數百楷急下樹看所入之
處了不見有一孔日暮還家楷病口瘡不得復語 南
史曰紀僧真遭母喪開塚得五色兩頭蛇 後魏書曰

東魏孝靜帝武定中有大蛇見武牢城上時北豫州刺史高仲密以武牢叛死者數千人後司馬消難之任武牢蛇又見消難亦叛土人謂之雌龍 隋書曰煬帝大業末翟讓初見李密衣在格上密腰帶化爲赤蛇讓心異之竟爲密所殺 又李密據偃師王世充領兵討之夜有斑蛇長丈餘向寢屋作聲如牛吼然仗者斬之明日戰大潰匹馬歸國 孔帖曰虞世南貞觀八年進封縣公會大蛇屢見帝憂之以問世南對曰漢靈帝時青蛇見御座晉惠帝時大蛇長三百步見齊地經市入廟蛇宜在草野而入市此所以爲怪爾今蛇見山澤適其

所居恐有冤獄枉繫宜省錄累囚 又西域波斯貞觀十二年使者沒以半朝貢獻活禱蛇狀類鼠色正青能捕穴鼠 唐景龍文館記曰興慶池者長安城東隅形勢之地也中多王侯第宅天后初有居人王純掘地獲黃金百金致富官司聞之密加搜獲純懼投於井中縣官窺之見雙蛇昂首張吻遂不敢入純以此金當爲已得復入取之還見赤蛇赫然蟠屈純懼而出其夜井水湧溢漸成此池可廣百餘頃 廣異記曰長安至相寺有賢者自十餘歲便在西禪道院修道院中佛堂座下恒有一蛇賢者初修道時蛇大一圍及後四十餘年蛇

如堂柱大開元中賢者夜至佛堂禮拜堂中無燈而光
燦滿堂心甚怪之因於蛇處得徑寸珠至市高舉價冀
其識者數日有胡人交市定還百萬賢者曰此夜光珠
當無價何以如此酬直胡曰蚌珠則貴此乃蛇珠多至
千貫賢者歎服遂賣焉 孔帖曰天寶中洛陽有巨蛇
高丈餘長百尺出芒山下胡僧無畏見之曰此欲決水
瀦洛城卽以天竺法咒之數日蛇死 西陽雜俎曰唐
申王有肉疾腹垂至脣至暑月嘗喘息不可過明皇詔
南方取冷蛇二條賜之蛇長數尺色白不食人執之冷
如握冰申王腹有數約夏月置於約中不復覺煩暑

又李朝晟爲邠州刺史城方渠無水師徒囂然遽有青
蛇乘高而下視其跡水隨而流朝晟令築防環之遂爲
停泉軍人仰飲以足圖其事上聞詔致祠焉 杜陽編
曰開成初宮中有黃色蛇夜自寶庫中出遊於階庭間
光彩焰灼不可擒捕宮人擲珊瑚玦擊之遂并玦而亡
去掌庫者具以事告上令徧搜庫內乃得黃金蛇而珊
瑚玦貫其首上熟視之曰昔隋煬帝爲晉王時以黃金
蛇贈陳夫人吾不知此蛇得自何處左右因覩額下有
阿廢字上蹶然曰果不失朕所疑耳阿廢煬帝小字也
遂命取玻璃連環繫於玉璣之前足其後不復見焉以

古書考源錄卷四 卷四 四
能啗蛇也 北夢瑣言曰光化中楊守亮鎮褒日有
一蛇橫斜谷嶺路高七八尺莫知其首尾四面小蛇翼
之無數每一拖身卽林木摧折殆旬半方過盡阻絕行
旅因聚草焚燎路隅慮其遺毒然後方行明年楊伏誅
雲溪友議曰唐相李紳初貧之剡川天宮精舍憑笈
晝寢有老僧齋罷見一黑蛇上剡前李樹食其子焉僧
恐遺毒而人誤食之徐徐驅下蛇乃望東序入李公懷
中倏忽不見公乃驚覺老僧謂曰秀才睡中有所見否
公曰夢上樹食李似有一僧相逼僧知非常人也厚待
之 孔帖曰董昌先是晝寢有虺長百尺餘金色見思

道亭昌署亭曰黃龍殿以自神 又郭誼兄岌事劉悟
爲牙將常樂湓山秀峻曰我死必葬此誼以岌假刺史
穿三十丈得石蛇并卵工破之皆流血 玉堂閒話曰
梁牛存節鎮鄆州於子城西南角大興一第因版築穿
地得蛇一穴大小無數存節命殺之載於野外十數車
載之方盡時人云此蛇藪也是歲存節疽背而薨 後
唐史曰清泰三年春有蛇鼠鬪於獅子門外而鼠殺蛇
孔帖曰五代王處直初有黃蛇見於碑樓王處直以
爲龍藏而祠之定人皆知其不祥曰蛇穴山澤而處人
室失其所居之象也已而處直果被廢死 又周太祖

嘗寢柴后見五色小蛇入鼻間心異之知其必貴敬奉愈厚 幸蜀記曰蜀咸康六年五月不雨至九月林木皆枯肥遺見謂之畢鬼肥遺蛇名角上有火見則大旱 宋列傳曰胡穎為廣東經畧安撫使潮州僧寺有大蛇能驚動人前後仕於潮者皆信奉之穎檄潮州令僧昇蛇至其大如柱而黑色載以欄檻令之曰爾有神靈當三日見變怪過三日則汝無神矣及期蠢然猶眾蛇遂殺之毀其寺并罪僧 宋夏應辰為潭州書局時有温江縣申本處蛇一條長百餘丈神光照三百步口吐香薰灼二十餘里殺啖人畜無數差甲士二千餘收捕為其掉尾捲去

溺死五百人命天師與法官治之方戮死骨如山 東齋記事曰蔡君謨知福州以疾不視事者累日每夜中即夢登鼓角樓憑鼓而睡通判有怪鼓角將累日不打三更者因對數夜有大蛇盤據鼓上不敢近君謨既愈與通判言所夢正與鼓角將所說同人遂以為蛇精 野人閒話曰景煥為璧州白石令行涉巴嶺達玉女廟有巨虺橫亘其前徑可七尺餘鱗甲不啻門扇許大頭尾垂在山下惟聞折木震響山谷從者驚駭莫能前進于是且駐山穴因登高望之竟日方見其尾因知吞舟之魚翳天之鳥信有之也 聞見近錄曰孔中丞道輔

爲州掾太守到官三日謁廟廟有蛇以爲神每祝之則蛇自神像鼻中直出飲酒孔方讀祝蛇出飲孔厲聲曰明則有禮樂幽則有鬼神蛇何爲哉以笏擊之蛇死遂毀像壞其廟而去 江湖紀聞曰初吳璘爲大制置在蜀以殺金坪叢茂恐寇匿其間將欲焚之而未發露忽一老嫗携一子直至轅門曰聞制置將焚山此軍令不敢沮但某母子於此地久未能便去望少展一口容某遷避庶得全母子性命吳叱曰是何妖物嫗曰必殺我我能滅爾宗族吳怒叱左右執之忽不見遂四面縱火焚山明日巖下焚死一大蛇長數十丈一小蛇長丈餘

縱火時火燄中黑氣一陣從東南方去時制置子挺新婦有娠生子曦正焚山時也曦後爲四川制置背叛受金爵命封蜀王復僭稱帝被誅死 寓簡曰宣和間蔡州有一士人家書室中忽然見小蛇文章陸離蜿蜒几格間見人不驚畏不敢傷也每日惟巳時則見至午乃隱去日日如此士人異之因伺其至則捕之置鐵絲籃中逮午視之則堅冷化爲石矣其質巧妙天成雖良工不能加也明日巳時則復蠕動旣又復爲石而屈伸盤結之狀日日不同士人寶蓄持至京師見中官梁師成梁歎曰此神物造化之所寓也禁中有玉鼠玉兔以其

時見則其物也士遂獻之 夷堅志曰宜黃丞廳與縣
治相連有大蛇長二丈鱗甲青黑行地有聲父老傳言
每出遊一廳則主人者必罹禍咎紹興庚辰春出於丞
舍後東牆蓮池側隱半身牆內尾垂於池丞祝君適以
亭午到池上見之呼乞子能捕者穴牆取之蛇蟠屈不
動命數捷力昇至郭外過百丈橋數里縱之莽中意其
已遠不能復至矣次日祝仍以午到昨處則蛇乃在元
穴欲殺之而吏士皆不敢承命曰此禍至大寧受杖責
不得已但命昇去如是者至於四五迨祝死乃絕不見
又武功大夫成俊建康屯駐中軍偏校也善禁咒之

術尤工治蛇紹興二十三年本軍於南門外四望亭晚
校有蛇自竹叢出其長三丈面大如杵生四足遍身有
毛作聲如豬行趨甚疾爲逐人吞噬之勢衆皆驚擾不
知所爲適有馬槽在側急取覆之而白統制官遣呼俊
俊至已能言其狀且云是名豬豚蛇齧人立死卽步罡
布氣禁之少頃令啓槽則已僵縮不能動再覆之仰吸
目光三吹槽上及啓視化爲凝血矣又排灣山有黑蟒
色深青長可二丈積爲人害居民共邀俊施術俊曰在
吾法不宜率爾盍具狀以來旣得狀書章奏天詰且詣
穴口爲壇被髮跣足衣道士服向空叱神將曰速斯須

蛇不出繼遣兩將如是者三四反蛇猛從穴內奮迅奔
壇若將欲鬪者俊大聲呼之取所著汗衫中分裂其裾
蛇劈爲兩此患遂息民家小兒因行草際遭螫痛徹心
腑幾於不救俊往療之問兒曰汝誤踏踐之以致齧耶
將自行其傍而然耶曰初未嘗觸之不覺咬我俊曰我
亦久知之此無故傷人命不可恕乃除地丈許插小竹
片爲劍作法呼蛇至者如積詰之曰作過者留劍下否
則退羣蛇以次相引而去各適所在獨一小蛇色如土
伏劍旁俊召判官檢法曰蛇無故傷人當何罪兒家聚
觀者皆莫見久之又曰依法蛇自以首觸劍死焉俊之

技如此而無所求于人醫士劉大用欲學其術俊曰此
非所靳但慮持之不謹或干犯法律將自貽禍乃止
又鄂州總領司故州治也後福城城有園園有大蛇長
數丈許乾道中韓總管者欲於東北隅建楚望亭而築
基不成至於數圯或言此處蛇所穴儻爲立祠當可就
韓如其說作小廟于數十步間基卽成蛇往來東西或
如教場大井內或從府倉氣樓中垂頭下食米嘗蛻皮
于竹林裏一兵得之貯以布囊時時出示人蛻廣長如
其身左肋下有一足郡民楊八賃城下塚種菱茨就孺
地縛葦舍母子處之以察盜摘者夏夜過半聞聲母以

為賊也出視之見蛇在女牆上而頭在濠中昂起睨母
 母駭教楊生至僅能舉手指示即仆地死楊懼舍之去
 已而蛇不復出人疑其入大江云 又蘄州境有蛇洞
 在蘄州口鎮側蓋白花蛇所聚今不復有矣土人採捕
 乃出羅田山谷中施少路溫舒自信陽守解印造朝舟
 抵蘄口詣近處龍峰寺遊觀距蛇洞不遠詢於寺僧皆
 言徒有其名耳因信步到方丈復躡石級百層得一堂
 方疊足坐憩傍人驚曰一巨蛇正蟠屈于下相與持挺
 擊逐施遽下榻蛇徑入山見者無不汗駭此蛇之毒甚
 于蝮或為所傷急須剗去肉少緩則遍體盡生白紋方

花如其形不踰時必死施到闕除蘄春守蓋且將為地
 主故山川之靈陰相之特令此物出異以示眾 泊宅
 編曰成都府園西樓有大蟒居之不敢發率常扇鎖虞
 經臣作帥宴客樓下蟒忽落正中一武臣之肩須臾皮
 肉潰爛成瘡妙藥治之方愈經為文遣吏祭之即日毀
 樓蟒亦不見 遼史國語曰解神速姑宗室人名能知
 蛇語

蛇三

增遊霧 吐雲 淮南子主術騰蛇遊霧而動 類書志

過此 憐風 飲露 莊子蛇憐風風憐目目 配龍

誅之 鱗介部 蛇

化蛟後漢張負疏蛇能屈伸配龍騰吐香食塵確

類書黃花蛇出溫江長百餘丈神光照三百餘步口吐椒梅香熏灼三十餘里詩經類考青蛇食塵

吞象食鹿上詳蛇一山海經又曰大塞鼻岐

尾白花蛇一名塞鼻蛇諸鼻向上此獨

蛇毒蟲草木水火土五種其舌雙其耳聾其毒在涎交

則雄入雌腹交已乃退出交維則生蜃及蟪元稹集

巴之蛇有百類鶻

鳥能食其小者

鶻黃黑色有頰文一

名公孺蛇能化鱧

蝮獨胎產生時

輒折破母腹

此蛇最猛或于草莽中吐絲網成伺人過則出螫但目

盲無見又名盲蛇專伺網動以螫人淮南子注黑蟻

神蛇潛泉而居

遇雨則躍興

吐香

食塵

塞鼻

五種

百類

生蜃化鱧上見五種注

胎生聽雅廣要蛇以眼

青蛙黑蟻本草青蛙蛇一名青竹

赤頸黃喉宋永初山川記始興郡

龍類鱗蟲

金星鐵甲詩經類考金蛇一名金星

有無鱗者

類考黃喉蛇

一種善啖

毒者本鱗蟲

如柱其長五六尺未幾二犬俱斃蛇體黑花方紋

間之遍體生毛茸茸然名爲鐵甲五步蓋蝮類也

童女化老翁搜神記東越庸嶺有大蛇欲得啖女

李誕育小女名寄應募而行乃請好劍咋蛇犬作數斛

資蜜灌之置穴口蛇出頭大如困目如二尺鏡先啖

灌寄便放咋蛇犬以劍所殺之越王

乃聘寄爲后下詳蛇二搜神記

經陽山多化蛇狀如人面羽身鳥翼蛇行音如叱呼

見則邑大水詩經類考錄異記有雞冠蛇爆身蛇

六足四翼一首兩身上詳蛇一山海經又渾冬之

君謨凭鼓周詢垂欄上詳蛇二東齋記又東齋

鱗介部

宴于園中園吏見大蛇垂欄楯上就視之乃周詢
醉而假寢也于壽亦嘗言周詢于相法為蛇形

土蟄 **伏地行** 羅氏曰蛇草居嘗飢每得食輒飽輒復
圓重如石謂之蛇黃又曰犁頭蛇頭似

犁頭尖背大額螫人必死亦好伏地而行 **黃公術制**

董奉符誅 西京雜記東海人黃公少時為術能制蛇
百圍長數十丈行者過視則往而不返積年如此失人

甚多董奉從交州出由此嶠見之大驚云此蛇也往行
旅施符救經宿往看蛇已

死矣左右白骨積聚成山 **吸馬** **逐鼠** 益州記邛都
姥家貧孤獨每食輒有小蛇頭上戴角在牀間姥憐而

飼之後稍長大遂長丈餘令有駿馬蛇遂吸殺之令因
大忿恨責姥出蛇姥云在牀下令即掘地愈深愈大而

無所見令又遷怒殺母蛇乃感人以靈言喚令曰何故
殺吾母吾當為母報仇此後每夜輒聞若雷若風四十

許日百姓相見咸驚語汝頭那忽戴魚是夜方四里
與城俱陷為湖土人謂之陷湖惟姥宅無恙訖今猶存

舊唐書太宗嘗覘敵登邱而睡敵兵四合未之覺也

有蛇逐鼠鼠 **偃師牛吼** **仙谷犬飛** 上詳蛇二隋書
觸甲士驚起

山有大巖壁直上數千仞草木交連雲霧擁蔽其下有
徑途微細行人往忽然上飛而出林表若昇仙如此者

不可勝紀往來南北號為仙谷時有樂于道者不遠千
里而來洗浴岩畔以求昇仙至此林下無不飛去會一

夕有智能者曰此必妖怪因以石自繫而牽一犬入其
谷犬復飛去愈知其妖邪之氣以吸之乃遣近山鄉里

募年少者數百人執兵器持大棒而先縱火燒其草及
伐竹木至山畔觀之遙見一物長數十丈高下隱隱垂

頭下望漸逼乃一大蟒蛇于是命少年鼓躍擊射然後
所刺面口張尺餘尚欲害人力不加眾久乃卒其所吞

人獸之骨在 **入榕藤竅** **墜栢樹腹** 北戶錄段公路
左右如阜焉

舟候風見羣小兒簇二巨蛇各長丈餘一如孔雀珠色
金翠奪目一如真紅色鮮明若血又有十餘頭白蛇前

後相似若導從俱入一榕藤竅內竟不復出故知蛇
有草木水土四種其類不可窮也 下詳蛇二唐書

陷武強淵 **橫斜谷嶺** 水經武強縣故治有武強淵耆
宿云邑人有行于途者見一小

蛇

蛇疑其有靈持而養之名曰擔生長而吞噬人里中患之遂捕繫獄擔生負而奔邑淪為湖縣長及吏咸為魚矣

二北夢瑣言

恚怒受報

暴酷化形

周景式廬山記

息國太子與友人共出家學道友人恚怒死受蟒報為此宮亭湖神世高于廣州為人所殺還生安息國復為

王身年二十又棄國入吳來之宮亭泊船呼友與語友

年上世高船跪受咒願因忽不見世高語同船人日向

死于山北今柴桑民所居蛇里是也 緯略林棟縣虞

侯張坦暴酷嗜利病死瘞城外月餘夜夜叫呼隣人報

其家謂復生妻子輩開掘視之身已化巨蛇頭尚人也

取置荆園中體寒索厚被日食肉二斤酒一斗復能人

言後數月頭亦蛇矣漸不 秦瞻腦內 士禹鼻中 搜

能人言其家送置山中 記秦瞻居曲阿彭皇野忽有物如蛇突入其腦但食聲

啞啞數日而出去尋復來取手中縛口鼻亦被入積年

無他病惟患頭重 又曰陳留阮士禹傷於 耳間垂

聽不忍其痛數嗅其瘡已而虺成于鼻中

肉皮上有孔

上詳蛇二晉書 梁書倭國有獸如牛

斫其上有孔乍開 啣珠報 打草驚 見大蛇傷侯行

乍閉時或有光 治之其後蛇啣珠以報之 彙苑王魯為當塗令贖貨

為務會稽民連狀訴主簿貪賄魯判曰汝雖打草我則

如蛇之被驚 禱而得泉 殺之被震 潛確類書武德

已知戒矣 喪父以至孝聞母卒天旱掘地求水以供葬事不能得

傍徨悲泣忽有蛇躍出德政默禱隨所之而掘地果得

泉有司言狀復復其家 廣五行記東光人東方飛龍

病甚夢化為大黑蛇以告其妻既死遂有大黑蛇入室

上棟間諸子將殺之其妻曰此是爾父諸子 茅鱗

不聽遂殺之即日暴雨諸子皆震死樞前

山蚓 首尾相類因謂兩頭蛇 續明道雜志黃州有小蛇

非也土人言此蛇老蚯蚓所化無甚大者其大不

過如大蚯蚓行不類蛇宛轉甚鈍又謂之山蚓

蛇四

鱗介部 蛇

增蛇足 宣室志蛇以桑柴燒之則足出 蛇蛻 吳氏本草經蛇蛻一名

名蛇符一名蛇筋一名龍皮 蛇臥 詩經類考有一種菜花蛇綠色

則日某卦以斷禍福俚俗信之 蛇箭 三元孝贊蛇頭不可以刀 蛇

市述異記楊州有蛇市市人鬻珠玉而雜貨鮫布 蛇珠 洞冥記蛇蟻出塗云

光 蛇酒 乃求黑蛇生置瓮中醞以麴藥數日蛇聲不

絕及熟香氣酷烈引滿而飲斯須之間悉化為水惟毛髮存焉

蛇五

增詩 唐元稹巴蛇詩曰巴蛇千種毒其最褻鼻蛇掉舌

翻紅焰盤身蹙白花噴人豎毛髮飲浪拂泥沙 序云毒人則毛

髮皆豎起飲溪澗而泥沙盡沸 欲學叔敖瘞其如多似麻 又曰越嶺

南濱海武都西陷戎雄黃假名石鸚鳥遠難籠詎有墮

腸計應無破腦功巴山晝昏黑妖霧毒濛濛 又曰漢

帝斬蛇劍晉時燒上天自茲繁巨蟒往往壽千年白晝

遮長道青溪毒霧煙戰龍滄海外平地血浮船 宋黃

希旦靈蛇詩曰嘉祐辛丑歲郡侯得召伯是時夏六月

雲日紅翕赫殿北古龍堂窓戶久不關俄然靈蛇見宛

轉真象側鱗甲錦繡文燦爛輝五色視之頗馴擾狎之

不驚惕郡侯率羣僚朋來擁荆戟遲留夜未午風雨滿

天黑迅雷瞥四起狂雷隨一擊須臾風雨收形影誰能

覓斯蓋龍之靈變化固難測方知至神物其來表有德

古書 鱗介部 蛇

張耒放二蛇詩曰二物穴吾居歲月亦已老一朝雙
擒獲蜿蜿出幽草安行免噬齧敢望吐珠報已月不殺
蛇昔賢有遺告

原銘晉傅休奕靈蛇銘曰嘉茲靈蛇斷而能續飛不須
翼行不假足上騰雲霄下游山嶽逢此明珠預身龍族
原贊晉郭璞長蛇贊曰長蛇百尋厥鬣如旒飛羣走類
靡不吞噬極物之惡盡毒之厲 又騰蛇贊曰騰蛇配
龍因霧而躍雖欲升天雲罷陸略材非所任難以久託
又巴蛇贊曰象實巨獸有蛇吞之越出其骨三年爲
期厥大何如屈生是疑 又蟒蛇贊曰蠢蠢萬生或以

類長惟蛇之君是惟巨蟒小則數尋大或百丈 又枳
首蛇贊曰夔稱一足蛇則二首少不知無多不知有雖
資天然無異駢拇 周庾信孫叔敖逢蛇贊曰叔敖朝
出容悴還家母氏顧訪知埋怪蛇爾有陰德陽報將加
終爲楚相卒有榮華 **增**楊氏異物志贊曰蚺惟大蛇
旣洪且長采色駁犖其文錦章食灰吞鹿腴成養創賓
享嘉宴是豆是觴

增說唐柳宗元捕蛇說曰永州之野產異蛇黑質而白
章觸草木盡死以嚙人無禦之者然而得腊之以爲餌
可以已大風孿跛痿癘去死肌殺三蟲其始大醫以王

命聚之歲賦其二有能捕之者當其租入永之人爭奔走焉 又宥蝮蛇文曰吾悲夫天形汝軀絕翼去足無以自扶曲脊屈脇惟形之紆目兼蜂蠆色渾泥塗其頸蹙恧其腹次且褰鼻鉤牙穴出榛居蓄怒而蟠銜毒而趨志斲害物陰妬潛狙汝之稟受若是雖欲爲蠹爲蟻焉可得已凡汝之爲惡非樂乎此緣形役性不可自止艸搖風動百毒齊起首豸脊努呬舌搖尾不逞其凶若病乎已世皆寒心吾獨悲爾吾將薙吾庭葺吾楹塞吾垣嚴吾局俾與草不宅而穴隙不萌與汝異途不相交爭雖汝之惡焉得而行嘻造物者何甚不仁而巧成汝

質既稟乎此能無危物賊害無辜惟汝之實陰陽爲戾假汝忿疾余何汝尤是戮是挾宥汝于野自求終吉彼樵豎持爰農夫執耒不幸而遇將除其害餘力一揮應手糜碎我雖汝活其惠實大他人異心誰釋汝罪形旣不化中焉能悔嗚呼悲乎汝必死乎毒而不知反訟其內今雖寬焉後則誰賚陰陽爾造化爾道烏乎在可不悲歟 宋張耒逐蛇說曰嗟堯之時兮大水滂橫潰四海兮包陵岡龍騰蛇奔兮嬉以狂腥鱗頭鬣兮更披猖城居穴處兮亂厥常頽蟲糾結兮肆害戕陸盤淵據兮傲不臧朋屯黨聚兮蕃以昌穿穴嚙噬兮民盡傷乃命

伯禹兮行四方驅龍放蛇兮屏諸荒曷爲茲蛇兮宅吾
居妖頑堅老兮傲驅除深潛居山兮坦無虞下飲吾沼
兮捎林枝朱眸丹舌兮黥鱗膚恍惚遽速兮疑有無居
者畏避兮行者除險奪我圃兮駭吾徒盜竊祭禱兮欺
羣愚我咨爾蛇兮潛山穴野陰蟠遠伏兮與人異舍冬
居夏遊兮時以行食爾之食兮朋爾朋僭亂我居兮失
常經叛棄爾守兮帝有刑胡昏頑兮居以寧自爲不寧
兮邀剽烹荒戾天理兮悖醒程我宥爾愆兮逐爾行亟
舍故處兮遐以征南山之幽兮雲霧冥草木蒼蔚兮險
不平爾徒煩兮食爾盈捕取不至兮居無與爭汝生孔

遂兮壽爾齡

古香齋新刻

袖珍淵鑑類函

卷四百三十九

古香齋新刻袖珍淵鑑類函卷四百三十九

